



桐于
溪湖
者小
隱集
集(一)





集小湖于
(二)

撰昶 袁

編主五雲王
編初成集書叢
種一他其及集小湖于
冊 二

中華民國二十六年六月初版

發行人

王雲五
上海河南路五

印刷所

商務印書館
上海河南路

發行所

商務印書館
上海及各埠

★E五二〇五

章

于湖小集

詩五

奉和壺公師近詩四章丙申

和正月十七日發金陵夕至牛渚

半壁經年締造辛。節幢西上走江神。然犀亭下民如堵。爭迓尙書只幅巾。

夷吾江左祝重來。父老相攜獻綠醅。只有租船詠史吏。未陪撰杖謫仙臺。初約迓至牛渚。以吏璞不果往。

和登采石磯

俯瞰馮夷水伯宮。東甕北拒數前蹤。乍攜諸吏崢嶸上。仰薄煙霄呼噏通。清興欲尋黃海約。新詩已護碧

紗籠。祠堂獨下彭公拜。艸奏當時金石同。公樞督兩廣日與彭剛直議防海。規越戩守機宜。及援諒山大捷。章奏電報動輒數千言。率公主薨。兩衛拜發。彭每稱善不改。

易一字今敕建剛直專祠在采石。

過蕪湖枉臨廨舍讌集。賜以佳章。誤蒙推獎。媿未敢荷。謹次韻補呈一首。

爲政清約不如游明根。佐募力士不如蒼海君。上年冬奉鈞檄分募自強軍。吏能迂疏百不效。著籍殊玷通德門。廩淵

議媁強遷就。公諍之力排天關。金城千里江介恃。元老誓障河決屹。立如王尊。敵人闕戶旋退卻。光芒龍

劍不敢捫。

南洋布置海防重門戶均宿勁旅上年二三月倭艘犯海州沐陽將

事平詔遂武昌節鄂士

跋立春風温謝公偶寓山澤興排雲淖約山靈奔庭堅舉止轉瑟縮烟霾赭岫春波渾鑿坏深閉酺池寺

未迓潞國移芳樽。

公領賓從約游緒山滴翠軒以大

雨路滑又畏吏人供張遂止不往法筵安坐碎金出蒙翳振發平津昏髯參短簿盡才

俊節庵太夷禮卿積

卿君立皆在坐 黃山碧溪清營魂袞衣西上控形勝平準鹽鐵威兼恩經綸夷險佐廟算弁洲詞客

何足翠思存還捧吾師詩句妙一世傳衣有記法乳資來昆

和石鐘山拜水師昭忠祠坐芸芍堂

未得追陪蠟屐鞍。砑鋤不信石如鐘。禮深酌酒芭傳舞。雅想聞鼙將景從。壁記已漫瞻畫象。海軍重治選真龍。心源追契湘鄉老。待整軍容又國容。

疊空小泊躡坡鞞。水石相磨吼巨鐘。此老襟期無滯著。異時弢版出橫從。檻臨絕壁攀栖鶴。池咒禪孟畜蛻龍。禮罷國殤施妙墨。山門留鎖伴金容。

原作

正月十七日發金陵夕至牛渚

壺公師

牛渚春波淺漲時。武昌官柳已成絲。東來温嶠曾無效。西上陶桓抑可知。

登采石磯

壺公師

艱難溫嶠東征地。慷慨虞公北拒時。衣帶一江今涸盡。祠堂諸將竟何之。衆賓同灑神州淚。尊酒重哦夜泊詩。霜髻當風忘卻冷。危欄煙柳夕陽遲。

過蕪湖贈袁兵備

壺公師

爲政有道道有根。佳人讀書袁使君。九流擣臍仍擺落。收拾併入不二門。羅城于公三間屋。民隱不隔常關關。東頭圖書西筦庫。中有湛然心君尊。我鎮金陵強一載。蔣山蘿薜何曾捫。老牛困鞭思脫紉。經義就子同尋溫。春雲壓江雨意遠。泥淖洗鞵胥徒奔。南望赭山隔煙霧。北瞰于湖新波渾。燕語亦足抵遊覽。芻飯滂沛傾深樽。談詩看畫軸。篆刻十不盡。一晡侵昏。過江名士均在坐。此會此樂悅心魂。胡爲欲理嚴灘釣。儒效未竭安酬恩。黃山幸在君管內。來遊何日常思存。賓從豪盛自詫王元美。東道殷勤還望汪道昆。

石鐘山拜水師昭忠祠坐芸芍堂

壺公師

南疆水戰兩奇蹤。赤壁東來數石鐘。千里江湖似瓴建。一時賢俊盡風從。靈旗月閃驚栖鶴。疊空波鳴起睡龍。太傅功名誰不贊。服公勝算在從容。

和

恩施樊增祥雲門

滴翠軒北萬箇蒼筤根。雨中迴席不過綠玉君。尙書樓船屹江介。囊鞬屬道填國門。臨汝老作門生長。肆筵夙戒翟與閻。謝公躡屐過碁墅。虎士擁衛中軍尊。一昨鯨鯢沸東海。扶桑軒日誰敢捫。朝廷卜帥授黃

鉞衆議殷浩先桓溫。賀蘭不掠睢陽失。房琯遽有陳濤奔。吾師談笑靖江左。桓桓諸將皆濬渾。兵精盡縣北。府籍士飽滿。酌中衢樽。事平持節返湘漢。春濤罨岸江雨昏。于湖清醞進龍鮓。吸飲月魄餐日魂。四海久望相司馬。紫樞行拜宣仁恩。及門不少果達藝。留府況有琬允存。會當指示公家虯。髯取瀛島豈惟手。揮勃律玉盃擒堅昆。

節庵所遺雷州葛布今夏始製爲袍時病新起追賦一首

故人遺我雷陽葛。服以拜賜生光暉。衣荷製芟老安帖。祇惜漢皋之佩流波遠。重之不減錦繡段。輕紈賤彼相追飛。中有炎洲煙雨漬。東軒長老之謫籍。當日黃茅瘴裏吟癢瘡。海圖波濤拆舊繡。帶尙餘犀紅半圍。侍兒采葛綠弱蔓。札札夜火鳴春機。瓊雷隔海遺儋麥。椰冠蕉製蜥蜴風生幃。兩翁服之清似鶴。今其遺製霧結還煙霏。嶺南仙人華予當暑著。我儀山澤不羨紫與緋。孺初沈泉伯訥往。雷陽虛館蒼雪交。荆扉巢痕久掃貞。元朝士迹與君飄。蕭影落牛渚兼鵲磯。江湖五日不預宮。葛賜上章欲排蒼闔雲生衣。罪言屬草天關虎豹不得上。深冬絺綌衆所譏。我儀李鳳臺。臺解官朝忍饑。暨陽講院深衣日危坐。墨澆兩袖落筆生珠璣。李申書先生致仕後晚主書院二十年終日著布開氣袍坐講堂上與諸生口講指畫想見老輩律已之嚴老而彌篤行挂朝衫著蘿薜。投効大府從其祈。長錢去劓攝山藥。湯熨甫瘳淮陽痲。葛巾新從陶令漉。奇服追伴靈均晞。君乎規我一寸陰。可惜還望危言贈處資弦韋。

壽方滌儕先生七十

荷衣澹蕩解龜宜。七十童嬰色更奇。文守靈皋無失律。政留新野有生祠。洞房熊鹿朝朝戲。經帙丹鉛昔昔披。光氣樞陽餘一老。菊潭乳水注深卮。

澹于榮利得康強。近聖街今履道坊。君口令河南致仕歸。在新野。尤有惠政。杜門著述。垂老益勤。又日習八段錦。妙盡攝生之理。帖寫戎鹽資服食。詩

成蕃劍出光芒。憂時黃石頻撿篋。發興青霞待裹糧。策杖欲從山水癖。石牛溪畔竹匡床。

涉歷軍諮汗水陰。飛書草檄掃氛侵。中年道氣消兵氣。晚節仙心又佛心。偶注陰符兼遁甲。手栽青李與

來禽。年來大隱依裴尹。定卜林塘草閣深。杜工部入蜀。初參裴冕軍。裴爲卜居浣花。此經營草堂之始。嚴武代裴爲尹。又參嚴幕。

官齋竹日淨暉暉。午入披縉酉未歸。用韓公在張僕射幕府事。荷上千珠無滯相。竹中一滴有傳衣。耗奇隊仗接文陣。

應問機鋒直箭圍。壽過劉姚兩先輩。不資邛竹步如飛。海峯先生年八十二。惜翁四十四。卽致仕。壽至八十六。

將讌集蕃漢賓僚於南庵

貞元斡士狂標格。法會筵開地布金。勿悟諸君皆勁卒。方欣之子照清襟。青當窗戶竹蒙密。紅出野池蓮

靚深。皇澤如春中外浹。蘭閣霑醉酒頻斟。

范長生詩

蜀才箋易。青城徜徉。百六十春。閱世興亡。消息四時。誦信八節。狎虎如瀉。入火不熱。前契苦縣。後挹華原。

唐初孫思邈年至百有七歲京兆華原人。段宗戒子。蕭丞卜孫。受書葛亮。平揖李雄。守雌自螻。厥道猶龍。

集知稼樓

兩扇天門控上游。留犁撓酒足銷憂。繖山北望千重嶂。衣法南來第一樓。五翎候班林外躡。十軍持釀竹間筩。慙農默禱兼旬霽。翠浪全迷穉極疇。

和雲門桃花源詩三首

武陵漁人誤入桃花源贈隱者

行地仙真絕迹居。桃花洞口糝林於。女辭臺勝懷清字。兒讀蚪形未火書。泥飲乍邀通款曲。茅簷相對興蕭疏。只疑別有天光大。問訊春來交荷鉏。

桃花源隱者送武陵漁人出洞

待訂他年相見期。卻煩姓氏隱支離。不須竹杖朝騎去。且趁桃花夜漲時。毛女與君俱未淨。龐公隔世豈能知。強留一宿丁寧話。有約重來此釣師。

武陵漁人再至桃花源尋隱者不遇

紅霞依舊照粼淪。一綫厓光何處村。舊酒暈留襟上漬。新僊官闕壁中言。豈真不與夏蟲語。令我空尋春夢痕。還洗塵心別妻子。再來花下定開門。

擬桃花源詩三首序

樊增祥

曩孫胤如先生主詒經講席。以桃花源事命題。查君揆詩最工。壬午冬在鄂中志局。得詒經初集讀之。每至查詩。諷不去口。以眎子珍六兄。同爲擊節。蓋其事其詩。皆蕭遠野逸。與僕天情相契故也。在昔淵明生典午之季年。逢寄奴之代禪。作爲斯記。什九寓言。然而雞犬桑麻。依然人世。羲皇不遠。祇在柴桑耳。查君應徵而作。別無高寄。又生當極盛。偃仰西湖。其中之悲愉。與淵明異矣。僕爲親負米。覩顏折腰。旣謁。選得秦之宜川令。以甲申七月出都。暑雨閒關。久乃得達。屬以鯨鯢未戮。海國騷。旣蹀躞於風塵。更屏營於縻緯。嗟乎。隙駒百年。單門八口。何慮不給。而就微官。昔人不能降志於督郵。而顧手版倒持。爲茲僕僕哉。苟有一塵。如淵明所記。稻田鱗比。花竹蟬嫣。所不卽歸。有如江水。因擬是題。寓息壤之意。並寄子珍。都中若以吾意在避秦。則失之遠矣。

武陵漁人誤入桃花源贈隱者

萬樹緋桃護隱居。迷津翻幸得相於。花開尙似秦時火。兒大寧知漢後書。海上蓬萊知不遠。山中甲子記全疏。羸劉興廢關何事。頭白溪邊自荷鋤。

桃花源隱者送武陵漁人出洞

世外相逢事不期。溪堂信宿忍輕離。來當桑樹雞鳴後。去是桃花飯熟時。漁具好從前路覓。山名莫遣外

人知芒屨怕踐劉家土。分付閒鷗作導師。

武陵漁人再至桃花源尋隱者不遇

一再挈舟訪隱淪。遙遙雞犬是何村。重尋煙水真如夢。若問桃花定不言。沙鳥似含窺客意。岸楓猶有繫船痕。等閒未許漁郎入。何況乘軒客到門。

和雲門

渭雲繚白水縈青。一別離思周一星。袖有銜書文不滅。樓標供奉履曾經。君過牛渚作太白樓賦新修貝葉南朝寺。更拓珊瑚北望亭。只盼雲門來挂錫。莫曠居士口如餅。今春予病十旬雲門書七至不一答故有結句

早春有懷

樊增祥

春到江南艸木青。思君中夜望疏星。十三篇廣兵家注。二百籤疑小品經。詩好入於宣聖室。酒醒長坐醉翁亭。部中多少南朝寺。可要雲門挂錫餅。

聞松江府西門內新建融齋書院成太守陳公率諸生落之不覺色喜老門生今秋定歸不審都人

士廷推我作灑掃戶否

誰歟枕鄴傳經者。著籍門生共索綯。敕弟子支茅一把。夢先生飲易三爻。雲水光中異景生。眼前突兀見祠成。歸功賢將陳師道。爲薦溪毛碧礪羹。

率諸生奏鹿鳴三。精舍開山別有龕。謂上海龍門精舍先生撰杖都講之地。別奉粟主祀之。薪火傳來流布廣。儒林一傳壁間嵌。我與傳師會後期。朱亭三百士如之。朱箭河爲閩學政罷歸。諸生三百三十三人。人抱一石築亭。曰朱亭。以錢別。今劉祠釋菜合樂。惟予與約齋未預執事。多年積放儒分八。摸索龍門舊日規。

頌千里鏡

莊云風憐目。目力勝于風。目能營四海。風祇行蓬蓬。誰知疇人巧。乃發象罔蒙。心祖墨翟媮。凹突法可通。製之爲遠鏡。以濟目力窮。能攝遠者近。能羸纖者洪。俯觀滂沱壤。周髀謂地滂沱而四隕。仰測象緯穹。潛天地昭融。百里悉蔽翳。千里洞窪窿。乃知古今理。无窮出環中。物物理无涯。新新日程功。積測智逾出。執樞應不窮。何況唐虞世。垂衣法重瞳。君以人爲鑑。鑑以古爲礪。功倍徑尺器。象限儀毋庸。共鵬不可欺。禹皋輸赤忠。各以一官效。獨勝毋雷同。播種到聖處。巨靈策陟鴻。材器有各適。因任秉虛公。聖治離兩作。羣材石兼攻。成大圓鏡智。塵埃無纖零。殊方嚮風靡。在野驗風從。戶牖綴赤白。合宮達明聰。

陳先生澧。本鄒伯奇說墨子經說云。臨鑑而立景倒。景影古今字。謂窪鏡也。又云足蔽下光。故成景於上。

首蔽上光。故成景於下。此解窪鏡照人影倒之故也。又云鑒者近中。則所鑒大。景亦大。遠中則所鑒

小。景亦小。此則謂突鏡也。今西洋人製鏡之巧。不過用窪突二法。而墨子已知之。惜其文多脫誤難

解耳。古用銅。今用玻璃。故凹凸之法雖同。而巧實異。

山寺

澗水橫斜石路侵。一牛鳴地入叢林。漲江瀉碧橫如帶。竹日篩黃碎似金。雲嶂排空無定相。石牀敷席試觀心。無機得句俄忘卻。晏坐林中不強尋。

憂樂相倚伏

入梅苦連雨。巨浸俄稽天。陂稻根葉爛。農夫百憂煎。歲恐遭荒歉。牧民者胡顏。圓荷隄東西。秀出綠水浮。遊儵戲其下。吹噉蘋花稠。掬入小盆池。不殊濠上遊。萬事皆可憂。萬物皆可樂。劍頭炊不危。衽席稠轉作。清修而寡營。庶資攝生藥。

贈熊滁洲

瀟灑南譙牧絕倫。願依西礪作州民。妣予管內山亭勝。穿屋流泉理釣緝。

騷人例占溪山郡。符竹韋王元之數到歐。何處神仙跛道士。訪楞伽字幾尋幽。予厲家全椒九鑽槐火亦曾訪韋公尋山中道士處。

醉翁亭抱三株雪。庶子泉今一片漫。猶憶吾師種梅處。樵人斫贖只東欄。邇外舅薛桑根師修復歐公二亭種梅滿谷今只贖三株李陽

冰筴刻庶子泉三字久失之。

菱溪山戶蜂糖熟。佳石今迷一尺苔。那得枕泉招老沈。白雲堆裏抱琴來。

菱溪本名苕溪。州人呼蜜爲蜂糖。俗相訟避楊行密嫌名改。歐陽公得菱溪三大石。輦致郡齋。刻詩

石背梅聖俞喜我得此石云云石今存其一刻文只上五字可辨得此石三字已漶滅歐公門下有琴客沈遵故及之。鞠孫同年方修州志戲謂上項事可採入雜識。

披襟

水生之蟲安於水。吾亦同遊積氣中。苟非吾有無多取。小立披襟受竹風。

懷顧子朋盍山下面水居

兩個閒雲不相見。君嵇庵我阮亭宜。我思著屐登黃海。君恰誅茆傍翠微。松性輪囷獨也正。世緣湛濁是耶非。阮翁酒送嵇庵老。領略無言杜德機。

此心直與盧耽鶴。飛集君家庭樹枝。德操搢囊逃世議。毗耶杜口倘吾師。紅雲擎水荷千蓋。蒼雪遮門竹一埤。注瓦遙知竹根臥。醉邀楚客咏江籬。

再和雲門

武陵漁者誤入桃花源。謁隱者非有先生

東方有一士章。陶公自厲也。東方生作非有先生論亦自厲。故借用。

那知物外有人居。食息天游不異於。溪口桃花來迓客。洞門落榜問誰書。鹿裘扶曳人倫樂。雞黍殷勤世法疏。隔世有緣門外漢。飛來導汝一春鉏。

源中隱君子送武陵漁人槩特出洞

佛書有槩特不曉文句義味又性善忘漁人殆卽此人

棗花予豈是安期子有仙緣輕別離。看取千回熟桃子。可能再訪及瓜時。世塵莫管蟲沙劫。名姓休教虻雀知。好去不須開口說。山家那有鍊丹師。

漁人槩特再尋桃花源隱者不遇

俗子何知有隱淪。拏舟雲合失山村。桃根桃葉誰迎汝。山鳥山花似諷言。枕熟黃粱春有夢。榜漫碧蘚洞无痕。歐梅兩公遊嵩山仰見絕壁苔蘚合。成字曰神清之洞。既而失之。秦人想自居先輩。不許雲笳刺到門。

附錄

書陶靖節桃花源記後

於山溪間有桃林。於林中有源。於源中有天。隱者且秣穰後世。不數有漢。何論魏晉。語云。宇泰定者發乎天光。此非陶公慨想黃虞之寓言。而何秦者。以方前建威將軍裕。昔爲參軍事之。今則以改玉步恥。而避之。避之荒閒之野。蓬藿挂乎甦。颺之徑。而卽安焉。揚子劇秦。卽以剌新。是其例也。番番黃髮。披褐懷玉。怡然自樂。其性命之情。乃陶公自謂垂髫之倫。則舒宣雍端。通子之屬。是已。渴飲寒衣。雞黍延客。鄰曲情話。交相問訊。道路男左女右。悉如平人。夫賢者起居食息。世故酬對。了不異人。所異人者神明耳。豁然開朗。

別有天地謂鎬宋時之天地。非晉時之天地。義熙以後之日月。異於太元中之日月。元好問弔亡金詩云。蕩蕩青天非向日。是其誼也。惟柴桑一曲。栗里半畝之宮。庶幾別有所戴之天。所履之地。始終吾身。以數明自照而已乎。郡守求一面不可得。蓋斥檀刺史道。王江州宏之流。昔同參建威軍事矣。爾爲興朝佐命。身是晉室遺老。峻示崖岸。不許問津。是卽平生結契荆軻三良。刑天精衛之志氣。何言之悲乎。可許偶一往來者。意惟劉麟之其人乎。漁人云者。則清晨聞叩門章。勸駕之田父比也。不違己以誦道。寧稟氣以寡諧。吾駕信不可迴矣。故可一見而難於再見。以上皆寓言也。或譏子言何穿鑿之甚。予曰。請以述酒一章證之。重離照南陸。離黎音近。重黎謂司馬氏琅邪南渡而成帝業。故曰照南陸也。山陽歸下國。喻恭帝受禪。卒見鳩於裕。故曰天容永固。彭殤非倫。寓言述酒。特謬悠錯亂其詞耳。遭時陽九。周身之防。至言不出。惡能免於穿鑿乎。桃音與陶近。中無雜樹一句。寫出身分。遠公東林蓮社之約。招陶而拒謝曰。靈運心雜。不欲致其人。謝亦晉之世臣。失節仕宋。而又畔宋。謬託子房魯連之義。不謂之心雜得乎。遠公方外人。蓋知其散矣。贊箕子曰。矧伊代謝。觸物皆非。故曰問今是何世。歎惋不自勝也。檀王顏謝於陶公皆有舊。皆劉寄奴幕僚。四人者。皆詘身事霸朝。故陶集無一筆與顏謝往來之迹。實則顏誅中固明言與陶周旋甚密也。其用意不可曉然邪。傳稱介于石。不終日。其指遠而詞文。文中子言上者天隱。其次地隱。殆公之志也。夫殆公之志也。夫光緒丙申夏初八日芳郭鈍樵書。

夜雨懷子培

暑宵刻漏箭催蓮。長想儀形似隔年。荷芰聲中雨數點。猶疑同據槁梧眠。

懷壺公師

幅巾只是一儒流。節制旂旛九九洲。不以朱雲常吏待。思扶靈壽法筵遊。迴旋長袖猶難展。陶冶羣材或易求。須信目將營四海。入參機務卜金甌。

寄子培

如海幽憂不可滯。由來家行法淵騫。雲浮衣狗人閒世。景駐茅龍洞裏天。柱下方書真寄耳。陔南色養自陶然。昨來遺我明珠百。字字清冷濯髮泉。

喜復堂至

七十童顏炯兩眸。蹉然何幸降荒陬。青田有鶴邀同宿。東野爲龍笑不休。收攝心光姑自照。磨礪世務莫相求。猶堪滄勝尋黃海。濯足天都萬丈流。

雲門五十有一初度以詩爲壽

夷陵山水天下奇。天馬蹴蹋樊宗師。攝四溟濤入毛孔。操三寸翰驅文辭。今代椒花吟舫朱。南皮愛士古來無。楚材第一搜繹出。東箭南金世所須。

養親負米那嫌貧。三釜千鍾異憾欣。萊綵猶欣君逮事。蘭陔不泊我傷神。日啖胡床餅一枚。潛江家乘記清齋。勳門涼部三明貴。晚出張芝信雅材。

侍迅論思上奏箋。初登著作玉堂仙。應緣觸忤豨苓帝。墮落南華第二篇。莊子桔梗豨苓時相爲帝

不經錯節又盤根。那別龍泉劍氣伸。兼綰數符治輒最。日批百牒判如神。

吏才天得不能欺。秋實春華兼者誰。薤稜眞當拔百本。茗甌仍不廢千詩。

小冠股略揖元戎。時倚陳湯草奏工。屈指料應聞吉語。賀蘭山掃鼠狐空。

詩人例以渭南名。老學庵眞心太平。八十六翁詩萬首。胸無薤芥又長生。

越縵樓如白雪瑩。一生低首事滄溟。苦心搜拾遺珠玉。仗有樊山老眼青。

閱盡元都千樹桃。貞元朝士漫騰嘲。下中李蔡封侯相。敢並連州一世豪。

雖忝與公同甲子。守雌豈辦與名齊。低頭只拜爲龍孟。斂手惟攀舉鳳嵎。

健如眞逸兩瞳方。十七年曾齋太常。我亦久無丹白念。一作綠髮良非老者事一龜早晚獨支床。早晚一本作子亦

於匄中則純朴不全。

鈔胥腕脫不能供。十枉瑤章答一慵。上水船嗔予怯敵。倚天劍避子交鋒。

我無解語雙荷葉。君信登仙三朵花。上策豈煩教衆建。坐忘今已免疵瑕。

文殊來問淨名病。無散花天生作麼。鮑照豈甘成鼈殺。方山險被變羊訶。
屢讀新瑀魁記。家諱公卿真獨秀。壓江東。晚來入古尤蕭澹。宗趣桃花洞裏逢。

集中桃花源律詩三章。製題既新。造言尤妙。予一再和。終不能到。

同愛兩詩人。白陸予尤思。以陸名村。老嫌束縛金魚袋。共醉江南臥竹根。
穹碑先丈德功鐫。文似瀧岡表必傳。忠敬由來根孝友。龜堂一老氣常全。

君思一棹吳蓴美。我愛千頭楚橘甘。若遂招邀復堂宴。欣然卜宅夾漳三。仲修昨來此小住六日。

奉君美酒荔支綠。直上名山腰帶鞞。亦有驚人謝公句。攜來呼噲通金庭。
紅豆村人十五集。長明燈下淨焚香。晚來亦有傳衣者。鍼綫度與新城王。
康王樂府秦中歇。天遣樊山往振聳。紫閣松聲白閣雨。一齊收攝錦囊中。
陋無州宅可誇元。吏術精尤畏子賢。但駕冷風約遊世。赤松黃蘗各長年。

過橋

出門過橋去。卽斷去來緣。淥水如陽燄。荷花翠蓋鮮。
扶筇過橋去。凝望黃山海。浮邱已昇舉。仙人復誰在。
尋師過橋去。誰歟迳我情。有客三層閣。松風吹玉笙。

參方過橋去。猛斷世閒際。目擊道逾存。新機真不滯。

南庵題名

光緒二十有二年。長夏庚辰望。是日中伏。前山西知縣歙汪宗沂。五品卿銜前翰林庶吉士太平崔澄。光祿寺署丞無錫顧玉書。優貢生華亭沈祥龍。舉人湘陰彭兆琮。儀徵劉富。曾涇。洪槃。宣歙分巡道桐廬袁昶。肄業中江講院弟子優貢考用知縣江紹明。舉人周冕忠。諸生汪瑞鈞。徐元謙。汪德淵。王澤春。趙億乾。陶寶書。袁德劭。允肅。梁肅。國子監生榮燮。燕集南庵。登知稼樓。望白馬洞天。大荆小荆諸山。霧雲籠日。不甚明了。積水瀰漫。傷田禾。慮歲不登。座中多績學士。詞辯百車。聞可采錄。爰題名於壁。以記歲月。抵暮乃歸。是日遲編修呂佩芬。河南知縣謝立本。刑部主事呂志元。潘希祖。四人皆不至。兆琮書。

宴集南樓會者十九人有作

祥龍

樽前山色無邊翠。屢上層樓景氣新。上土黃庭箋內景。諸生絳帳事經神。河汾門欲羅房杜。謂毀廬先生。瀛海

談須質孟荀。近奉敕。檄所在立西學書院。君擬分立經義治事兩齋。而以西學之有用者。分爲八門。附八治事齋。絕似南皮泛瓜李。坐忘誰主又誰賓。

檻外高荷隱釣船。水生瓜蔓夕陽天。攜將三論王文獻。著個孤吟孟浩然。物外清標無過澹。老來服食只

宜仙。臨江更遲東來客。醉墨同題擘剡箋。復堂老。人將至。

兆琮

山色杯中赭雲落。倒涵樓影水光新。言非曼衍厄無常。論入縱橫劍有神。付六祖衣師璨可。飲三交誼挹京荀。津梁中有桃花洞。不待西都子墨賓。君昨作桃花源記書後

北渚江吞一葉船。南湖坐愛晚涼天。遮門碧柳梳風嫋。擊水朱華映日然。世法數誰清淨退。心光箋出地行仙。仲伊先生注黃庭經極有微解。放翁名心太平庵。故有取乎爾。何緣寫此無遮會。拂拭蕭生玉版箋。蕭尺木本州人。

視

無限江雲含變態。真看一上一回新。就中鐳白詩銷日。各有鉛丹妙入神。魚醬經綸笑伊呂。蠶箴瑯刻付揚荀。何殊夾沔懽情接。床上龐公忘主賓。座客劇論伊呂道家非挾陰符六段。不足以佐人主定天下。周體用各具機鈴。猶孔墨之相為用。不可相非。存入主出奴之私見也。往復語甚多。曾公贈友詩。商榷到米鹽經綸及魚鱗。

鷓鴣晒翅夕陽船。檻外蒹葭接遠天。渭上火雲懷白也。江南風榭似陶然。客有言茲樓風物絕似京國。陶然亭者。酒半懷樊渭南。揉藍一水斜侵道。飲漉三關自得仙。液液黃庭欣授我。長桑公子賴君箋。仲伊出黃庭經注。藟相示。長桑公池之水。上乃玉字。傳寫爛脫之。下半字。即經中所云。玉池清水自生肥也。厲嘸津法。乃隱語耳。

池上草堂時客龍舒作

堞枕長江繚雙帶。池環曲榭涵千籟。叢篁古木龍所都。鮮鯽香芹行可膾。桐陰遶榭百年物。森列峨冠煙閣續。從來畫境開詩境。似獻遙青伐蒙茝。塵寰無心偶得之。快意默數斯遊最。一榻蕭寥試趺坐。漱滌濠

觀游物外了無神龜上蓮葉時有異鵲穿林窺宛尋深谷盪炎霧護隄老柳風中旆八公三祖可招邀
仙人兮張羽蓋檻前垂釣雕菰碧池中倒景圓笠大鄉祠合祭陽明老氣以直養知無害若教參透水牛
機芳郭鈍椎真不會

浙館中應拓屋三閒爲王文成祠堂以公起兵平逆濠乃解安慶之圍大有功於舒又常宴坐九華
山中故也予有黃公望陽明洞天圖可張之祠壁當與王許諸君議之

次山提刑餉黔中竹蓀二器

幽蘭日生蓀獨未聞竹也產自竹王祠秀苗且蘭野臭味偶相似瀟灑同一治採儼石華皴庖待椒鹽洒
竹颺所啖餘音寧未化者脆比菌連珠佐宜筍注瓦明公遠見遺攜自黔輜雅想見鬱林裝蕭然度峒社
所攜惟此物聊佐清耐筭登之行廚鮮腰臞裁盈把味不借花豬包裹出人鮮黔州有地
名人鮮饗如披巢邱詩擯
彼肥醲寡黔詩人傑出者近有鄭子
尹巢經巢集莫邵亭集以遺饒老可萌似童嬰妣湯燂付廚娘羹豉壓末下何殊竹花餐絕
勝野菊瀉中有曹溪滴芳寒瘼癥痕

又遺鹿筋一束

金骨嗤未變玉筋承枉貽華陽本草注移刺晉卿詩綠髓陽填祕衰顏早服宜從茲漁勝具起甃仗深慈
靈樞經云陰平
陽祕精神乃治

和

鐵嶺趙爾巽次山

稚竹亦生蓀。因之遺白也。芳鮮侈南食。寒儉嗤東野。潔比屈餐英。焙之嵇鍛冶。佐君服食資。樽酒實瀟洒。新詩過崔梨。脆美洵健者。君以蚓投魚。我憚金注瓦。不詳戴凱譜。不登陸佃雅。密苗剛水頭。羅生不狼社。時賴撐煩腸。蕭然映深罌。昨緣佳客至。入林臂欣把。試問燂貓頭。何如烹龍鮓。至味妙于回。可惜知者寡。使君性澹泊。所以童顏夭。劑宜鹿筋和。功亞石髓下。欲求醫國病。斟酌兼補瀉。還施肘後方。一藥世閒瘼。

三畸人贊

陸生

西京將相雖烜赫。不及蕭疏一陸生。晚出粵中裝囊有。丹沙服食使身輕。

班嗣

老帶嚴襟夙所師。收身只辦一邱宜。造門況有攤辛老。載酒何煩更問奇。

楊少師

東游石壁楊風子。受詔命作錢王碑。瓜子金應卻潤筆。酒中槃礴艸爲之。

于方伯餉西瓜

蓬山昔剖棗如瓜。薇省今貽瓜似棗。飲比金莖竹宮露。沁逾玉井蓮房好。祕方仁者喜傳人。液液玉池參。

妙道。

和楞青

炎景流堅金。火雲撐奇嶂。池館亦若蕉。赫赫炎繖張。龜堂一千息。強與焦原抗。幸有逋翁來。清風生甌舫。辛談真擺落。素抱復昭曠。集掌烏忘機。出聽魚異狀。牆樊付洞徹。一抉事理障。

兩卷冰雪瑩。餉予手澤編。遺文明且清。家行希淵塞。古心背時利。古質刊今妍。東林顧高緒。一髮鴻鐘懸。

天理自融暢。窮通兩超然。高景逸先生云。凡天理自然通暢。寶之儔七葉。守道直如弦。惠麓三萬家。誰如子公賢。緬懷白

雪齋。何假紅犀纒。

倫叔爲致惠山泉一甕

不須水遞將。泉乳中有華陽龍。飲殘遺我酌之生。羽翼東尋許長史。仙壇旋聽石銚松。風沸勝似聽松石上看。

燈塔

七月初五夕。江永舟中夜起。書所見。

九華仙子方渴睡。燈照浪花擎塔來。窈塔波看幕本縮。火珠林訝建標纒。犀當然處礁防觸。蟹切過時斲乍開。添得夜江清景美。只疑舍利放光迴。

亮生遺我蛇總管。二枚云是崖州所產。藤本味辛。瀉治痧症。腹瀉胃氣。藤兼辟惡物。本艸所未及收。

作詩頌之

函封老友致殷勤。服食新登藥錄云。佳號署稱蛇總管。炎威免作鼈參軍。贊皇試採治風疥。寇相曾煎帶露熏。功效想應同筦仲。亦藥草。避水穢。爲蒼生起強拉君。

舟中戲題

風力吹噓赭岸帆。日光迴薄黃天蕩。姑溪窮衲自西來。東海神魚方大上。迎我螺青排闥送。一舟劈箭穿高浪。

故鄣

煙裏人行穀溪晚。屏風鳥度敬亭曙。牧之留得杏花鱖。白也已隨松子去。夢裏衣沾黃海雲。陵陽借我龍爲御。每日租金六文。藤蘿絕壁不可捫。叩問文殊院何處。毀庵云。黃山海馬種絕。山路斷。文殊院亦不可到。時有山僧汲丹井。坐看嶺帽披晴絮。

望艸堂寺

荷外葭蘆蘆外山。晚霞片片落池塘。艸堂寺有留人處。應免蠅蚊嘬鳳墜。

夜至鍾山書院訪小珊山長

貞元兩轡士。白下一經師。同榜君尤雋。侔年我覺衰。春筍琥珀盃。月泛芙蓉池。卻羨盧姚逸。開天遇盛時。

游元武湖謁拜湘鄉相侯畫像

海中不見五神洲。夜半有力負之走。墮落朱湖小洞天。縮地浮空作堆阜。環洲翠浪干娉婷。擎水青霞映林藪。定林佛捨紅瓔珞。風標公子翔其右。杜牧晚晴賦。謂白鷺也。今朝相與无相與。四客聽然此薜蘿。予與松岑先長徐積餘太守後至。不夙戒而同游。三人恰受沙棠舟。一斛相呼蘭陵酒。何許爭龍卵金瑞。彌天絳雪土囊口。寒玉蕭森藏一寺。頽珠璀璨寧論斗。洲民倚以花爲業。等候干戶天所厚。潮溝卻憎朱異宅。白馬青絲識來壽。當時隻手障浮雲。何似晶盤雪素藕。天賜數露我輩來。棹謳送入銀濤堆。雖殊僕射新亭感。誰是龍超幕府才。王丞相幕府。山在湖之北。湖祠真率作佳會。松老攜有松花醅。甄邯郭璞飽螻蟻。宋顛梁蹶皆塵埃。貞元朝士巢痕掃。京洛渺然腸九迴。物情一概安燕雀。世運誰撥屯雲雷。再拜江左夷吾像。竹木名節公手栽。甘棠湖頌謝傅埭。飛霞閣敞燕昭臺。風流龜滲迹遂往。經綸夷險方思材。寒泉一勺澗毛薦。精禋九扇天門開。

舟集

一雨洗秋巒。真形鍾山出。返照夕巖霏。荒尋晚鐘答。長林帶餘霞。密竹翳幽室。散人無町畦。虛舟泊蕭瑟。水生澹沲煙。盤摘芳甘橘。橫陳食鱗鮮。透燄飛蛾密。佳歡俄再覲。去年九月與公度節庵泛舟遊此。人事流光疾。惟應道術忘。勿歎良時失。會者繆劄兩山長。頌文學鄭郡丞。徐太守與余六人。松岑期不至。

溪上泛舟

作五章

清溪九曲張燈夕。璧月生煙雲不流。定心肯爲微物起。虛舟偶挾天機游。妙曲淙崢憐子夜。前塵蕭瑟夢西洲。使君已老髭半雪。擊碎唾壺歌未休。我心如劍不可屈。外物有命真難必。堂堂白日寢以馳。光氣空藏寶刀室。歌聲悲壯振林杪。積雲凝停海水溢。何時騰上丹邱臺。玉井蓮房滄似蜜。璧月生魄雲如羅。容成醉矣朱顏酡。燈前大魚偶出聽。應節低昂跳淥波。哀絲豪肉不可說。使君一念過新羅。明朝裹糲棲霞去。蒼厓石刻千摩挲。吳絲蜀桐張高筵。玉盤珍羞直萬錢。脂雀披緜鵝作炙。江南行廚窮芳鮮。西域材官已遣去。高牙大纛堪安眠。忽憶吹唇動地沸。割棄鶉首哭皇天。蕭械歡娛繁吹奏。交輝燈月明如晝。後庭樹樹非瓊花。直瀆涓涓瀉鳴溜。可憐南朝無數山。冰脂浮華工刻鏤。功成敕賜溪一曲。鏡裏朱顏倘未皺。

曉望浦口

隔岸山初睡醒。雲鬢一半模糊。青青黯黯欲雨。下有南譙舊廬。雲表巋然一塔。荒村幾宿曾經。山橋野店星飯。夢裏滌山更青。

怨詩楚調示黃公度僉巡別

玉繩低兮苑牆。河漢亘兮無梁。佳人醉兮未央。驟迴波兮煥光。嗽竽瑟兮浩倡。飛龍落兮藥房。君之心兮難詳。霧冥冥兮九閭。身隱約兮棲遑。遭讒邪兮蔽明。士不逢兮憂傷。矢姤修兮守常。夜遼遼兮罕暘。抱耿耿兮相望。

寄汪穰卿進士

瘴海塵黃寄一身。江河一蕢向誰論。曲江座上傾襟舊。代國詩中說劍神。默攬盛衰資野史。通知古近有揮人。鶩長羽短填蒼海。精衛區區亦苦辛。

卽景

疾風吹雨過江來。一片冥濛太白臺。忽挾奔雲向南注。九華峯頂罨煤灰。天邊秀削九芙蓉。我欲南尋仙伯蹤。一霎晦冥風雨起。洞天對面不相逢。礮車雲起雨如注。捲入匡廬彭蠡閒。一霎餘霞殘照出。青林如沐鳥飛還。

江上送筱珊禮卿之鄂州

聯珠綴玉兩遊仙。難得雙飛入楚天。語罷煙中挂席去。暮鐘催我獨迴船。

崔隱居餉蓮藕

門前橘務復菱租。一味分甘遺老夫。藕剗九朶瓊嚼雪。房攢千顆綠苞珠。山家餽問由來韻。物外題封興不孤。祇欲窮探玉井勝。如船佳種得來無。

曲園俞先生年八十重遊泮水寄詩爲壽

池開半壁藻芹浮。重著欄衫橋上遊。夢抱漆丹朝窳頂。劉總舍人夢執丹漆之禮器隨仲尼而西行。恥談青紫賤羊頭。領筵靈

壽扶三老。稽古殊榮冠一流。議禮櫺星門外立。俞樓應並阮公樓。

道光末予告大學士儀徵阮公重游頰水。以會典不載禮節爲疑。命門人議之。旣而以兩校官前導。自下馬碑步至櫺星門外。升階上第九級。跽叩行禮。同治辛未。見丹徒柳賓叔與宗述此事。柳先生道光壬午舉人。曾官句容縣教諭。治穀梁春秋。年八十五重遊泮水。以疑行禮應在降階下第八級。官吏備筵待。而倉猝未得。禮家議之。柳先生竟謝不往。此一事見前輩作事詳慎。不敢毫髮涉於疑妄而爲之。

白髭紅頰老人星。朝士開元舊典刑。九十大毛公健飴。三千高足弟橫經。仍懷蒼海秦椎志。壓倒元文蜀窳亭。精舍諸生今白髮。爲持法酒祝奇稔。

將以月夜泛荆山湖時上牒大府乞予長休告

太白卒暉所未攀。浮空削翠兩螺鬟。從無明月冷然夜。來棹酒船相與還。盟我不寒漚鳥白。山靈詎厭鬢

毛斑只疑中有罌。硯姿待叩松門九曲關。
俯眎人間噓蜃竇。水如流玉碧潺潺。棋逢小劫神偏王。劍晚危炊意轉閒。手把珊瑚釣赤水。洞開石佛繡蒼顏。乘風欲往且須住。待紫磨輪昇海灣。

偶書二絕

寧人不復卞。乃投虞山剌。擺脫蔣山傭。遨遊華陰市。
衣白山人也。食刻落江湖。日與喬松輩。方外一胥疏。

破廬子約導遊黃海期以裹一月糧偕往

兩爰撥雲筇。笠俱賈糧真欲上天都。何方避地栖梅尉。有約尋山解竹符。漁物無緣乞軒鼎。參方聊以敏文殊。黃山三十六峯。文殊院最勝。然厓深徑仄。人迹罕到。若逢絕磔崩厓困。笑仗丹邱子度吾。

山寺

木杪見勝鬘。嵌空得異境。疏巒雲盡斂。晴刹秋更靜。羈客悲寒泉。予輒以是日避之郊原。荒寺齋居竟日。羽人吸遠景。蕭寥鐘梵音。徐度諸天嶺。賓佳會真率。了不煩造請。鳥拂屏風飛。魚行潭鏡靚。俯濯青瑤流。仰翳宰波影。秋光薄西灑。天趣真各領。夕日光爛碎。明珥篩一頃。坐忘喧寂緣。際斷去來猛。樂以道情寬。云何世議梗。寄言攝生客。外物良可屏。

調印根

盤居士只工爲隱。錢後人真善閑關。把卷坐忘雷破壁。停杯偶見月銜山。靜中養出憂端澹。悟了都將物累刪。穩葺祝融峯上屋。因君識路得躋扳。

病齒

退之年卅六。悼齒自獻嘲。是時謫陽山。天遣尹颺。今我踰始滿。孔融集公爲始滿。融又過二。傷齒日已搖。罷癘盜倉粟。齒髮固宜彫。但憾未聞道。冰脂空鏤雕。孟晉無所見。怯行路逾遼。博涉恐溺心。世故紛相要。齒衰業未成。俗學儕牛毛。且內觀汝身。不實如芭蕉。

寄一詩祭醕朱鼎父亡友墓

平生師友最緣深。獨別朱游竟陸沈。宰樹人知真御史。百年樵牧不教侵。往年已聘君來主中江講院。君亦嘉許而竟物於嶺表。可哀也。

抑中江諸生之不幸歟。

無事坐作偈

鷓子過新羅。一念又焚和。看牛落艸去。牽鼻拽來麼。此喻爲學。在收放心。

二

前庭啖柏子。有佛法也沒。三篋透汝身。鍊得鐵漢骨。此喻須茹苦耐貧。鍊得筋骨堅。乃學人第一要誼。

三
到頭方叫苦。黃蘗作驢鞦。沙界人多少。聒聒鬧无休。此喻修學務早。時過後學。則勤苦而難成。勿徇俗致晚悔可也。

四

我有珠如月。只在素壁上。冷淡誰坐看。淨掃千重障。此喻道在當前。人自迷罔。不知求耳。苟能居敬窮理以求之。則返觀了澈。百般繫縛全消。

五

不須尋義味。義味自然深。牢念台觀了。具足畢义心。具云優畢义。華言止觀平等。三止三觀。乃敬靜夾持。禪二門不同。我法中亦程朱陸王迥異。但堅守朱子遺書。是教典非頓法。學人便了澈。可以終身行之。不。入歧旁曲徑矣。蓋朱子之工夫。密慮愚深。故弟子謹守繩尺。無流弊。陸王之工夫。疏慮愚亦淺。故一傳再傳。屢出變相也。

記友人法語

岑老自言年望六。不應早休兩南華。武夷四曲從今泛。覓得舟糧道轉除。

聞黃漱老將自鄂州來遊舒州。擬遣人相迎。

城西社散幾龍沙。遷客傷時未有家。朝舊久稀真鐵漢。浮榮乾笑執金吾。羣囂多士資公鎮。歲晏幽憂孰我華。欲遣信人相勞問。芳洲早晚發巾車。

漫興

蘭苗十三莖。箭桂開第二番花。流光明媚可喜。剗盡騷人怨嗟。

門生伍叔葆翰林餉羅浮山泉一罌

想從黃野人。致此乳水淨。何必曹溪味。此水有真性。

二

久飲天都水。未酌羅浮泉。君真起我意。一試松風煎。

又餉黃獨酒茅筆

茅作幽人筆。酒香同谷苗。興便題石壁。身擬隱椰瓢。欲把長鑱去。還憑短札招。虞卿對使謝。兼得旅愁澆。

韓文公謝人惠筆云莫
恠殷勤謝虞卿正著書

酬印根泛舟荆山湖之作予病新起
故未往

病餘未辦滌勝具。兩玉堂仙無自攀。卻似龍門行賞雪。一時歐尹盡開顏。

二

兩侯秀句鬪陰鏗。吟鉢同遊
亦有佳什風景前遊數水程。我卜陽厓結茅屋。望衡心迹喜俱清。

三

暉麗山川興不孤。扁舟挂席暫慳余。憑君說與雲霞狀。許我芒屨獨往無。

九日蟻磯登高舟中宴集

人生何處非危機。月開笑口裁四五。漫郎何以酬佳節。快心造物戒多取。敕取族庖斲龍鮮。喚起篙工伐

鱣鼓。南狐東馬多豪雋。欣肯降臨不吾拒。是日會者十三人。印根石瑯吟鉢皆在座。杪秋尋山不辭遠。良會真率無客主。漲江

掀翻地軸迴。勁筆刮演天根拄。古祠篔簹竹深茅中。金支翠旂閃宵雨。精忱何時開歎雲。鄉俗紛進從芭舞。

座中各願填蒼海。酒半起酣把赤羽。從茲鏤畫斥冰脂。稍出絲髮効直補。冶劍趣令鑄莫耶。簫材且罷採

慈姥。此厲右武左文天。下危注意將之說。諸公豈惟作賦才。小子亦禮傳衣祖。左江右湖共陶陶。今一日月何必古。試迴東

海注深卮。況有客餉羅浮乳。伍太史使至餉以羅浮山佛迹巖下泉水一巵。

重治小梭子戲爲吳下俳諧體

者便是那鑄安之小山。者便是沈慶之南岡。者便是白樂天之池上。者便是莊子休之濠梁。者便是大隱

栖朝之柳下。者便是長歌辟世之楚狂。吾與汝數子者。游歲旣晏兮。聊適志以洸洋。階下有叢桂四株。假

敘之。

懷雲門

江上雲山千萬疊。袖中璫札十三行。欲憑西去送書雁。寄我愁心九轉腸。

煮茶

秋老桐半黃。冬新桂全綠。支茶鑪其間。滄溲一甌足。遠致羅浮春。解滌天下毒。芳冽八德味。煩腸三彭沃。下飴鄧守安。上漱葛抱朴。不知今何世。但瀘寒碧玉。黠有丹沙泉。輕身仙可浴。人苦不知足。得隴乃望蜀。浴飲豈容兼。爾具此大欲。一笑且隨緣。七椀清風續。詩人澡腸肚。水厄招近局。桂酒不須求。芋區行可劓。客有餉以羅浮泉者。想是葛稚川黃野人喫不了底。留著與東坡道人。東坡公鄧道士喫不了底。留著與我輩喫。座上客無不掩口盧胡而笑。

小瑤林

山果秋深粒粒丹。扶輿窈窕度雲端。芳林剪出琉璃葉。香飴擎來瑪瑙杆。樽酒拍浮紅海客。塔鈴傳語紫煙壇。此中若使巢由住。乘興時來倚石闌。范蘿山今爲新關班稅司園墅予爲寫勝曰小瑤林其地戀江枕湖風景佳勝

新治高齋

清景無如日月真。一番拈出一番新。長廊六曲西頭住。茶銚生煙栗破皴。

聞家涓漁比部病詩以調之

奇氣涉嶺海。雄文鞭風霆。橫說賤鼓版。艸儀斥云亭。囊括六奇策。昨虎干蜻蜒。屈哉此奇士。老擁講師經。昨歲佐東槎。胸蟠敵情形。頗懷先發制。預掃兵氣腥。困麀有窘步。鍛鶴無長鶩。會豈百六屆。運胡陽九丁。潛狙虺濺濺。天闕虎冥冥。屏使昧遠謀。挾筴不見聽。拂衣歸東吳。長嘯巢支硎。訪我祝茲道。飲我陶塘瀟。

周歷桓溫壘。峽響般空舲。憑弔公瑾窆。壯志千年醒。別我包山去。煙水莽迴汀。示疾一丈室。瀾翻十三經。嗟君草奏才。百吏腕不停。有時範楚詞。山鬼託芳馨。有時撿戊笈。握奇靖梓桴。有時工推步。畫鋌占奔星。一臥上白雲。下瞰九洲青。壯夫今蕉萃。洪鐘厄纖莖。不能發巨響。乃使闕焦螟。蛾眉華年失。雞皮老娥媵。體予無氣力。張之濯清泠。徒挾俳隱語。肱君窮愁局。七發演枚雋。三尸刮彭娛。我歌子識曲。陽氣充金庭。兩儀有日月。羣聖留丹青。會合縱談笑。浮榮付通苓。歌聲盪西顛。卮酒傾南溟。

師徐遣我湖上梅花六株栽之東廊下

巢居閣畔梅千樹。冷燼疏枝夢遶之。遠致東園六株雪。載將風景楚江湄。高流知否此移家。道是孤山處士花。澆以三杯白墮酒。鬪他一片赤城霞。湖上春來香雪海。卅年前向此中居。白頭知舊都蘊落。賸有亭亭玉六株。寸根千里不易致。輦致端煩沈隱侯。淨掃地然香一炷。夢君把臂入林游。舒州池上艸堂之東。偏有亭久圯。擬規復之作一小茅亭。冀省煩費而事易舉。枇杷花發水泠泠。髡柳冬來眼尙青。百草盡枯敝徑出。小橋宛轉恰宜亭。亭以何名勝復宜。窮冬萬物未生時。微陽已自井中出。消息蘭根荔挺知。

此正慈山所云文字習氣魔耶。以後剗滌綺語。硯戒勿作駁雜无實之詞。迴頭五十一年。非求道尙未之見。且旣受命爲外吏。當治吏職。戒忤日而惕時。汝勿懲耶。乃作此鏤冰畫脂。虛費日力事。而無一毫戒慎。恐惡之良知耶。一大事因緣未澈。速穿牛鼻拽將來。刻瑠萬言。不值一杯水。不如閉門熟睡三千炊。剗落皮膚。截斷支離。鞭辟著己。痛下鉗錘。返顧本根。黑宰宰地務穿的而洞微。一旦悟澈。入深出曩。竹解籜而冰流澌。身心泊然。槁木溼灰。掃除曠劫。无始以來積習。世出世法。一以貫之。然後腳踢實地。手治芬絲。治天下之至賤而不可亂。守道術之至一而不可離。動靜交養。敬義夾持。在宅平以无爲。勿乘險而運奇操。理御事融釋脫落。假權濟實。稱物平施。端在息息戒慎恐懼。處屋漏獨居之地而勿自欺。綿綿穆穆。涵而揉之。勿驚高深。洞撤樊籬。以不妄語爲墨守。以毋不敬爲根基。以義勝欲爲之壁壘。以博返約爲之薜治。以涵養謙仁爲之主宰。以應機剗斷爲之鍵椎。非立己惡能立事。故上策莫如先自治。光緒丙申十月芳。郭鈍椎書以自做。

于湖小集

詩六

懷弢廬子丁酉

種樹已成幙。著文真滿家。杭炊君屑玉。佩乞音器我飛霞。解帶圍新竹。披書坐落花。二句集柳儀曹王無功百年隨分過。何苦餌丹沙。君年六十二日服丹沙而有壯容。

一臥

一臥滄洲歲月多。園無漆樹幾婆娑。北窗猶有竹千挺。自在清陰覆綠蘿。

盼漱丈枉過

瀟散真如雲一片。南鄰更挾老方來。甕頭春色藏之久。堀面緣公始一開。

殘荷

黯黹靈均衣上色。三年蕉萃楚江居。還持蓮子心中苦。迴向靈修艸諫書。

頌竹雞

善鳴不鳴。妙用在瘖。智哉此鶻。古之陸沈。免充莊生之雕俎。又無竺國頻伽音。春山高高。瑤林深深。放汝

釣瀨蒼烟溽。始得篁竹爲室廬。蘿薜爲衣襟。栗皴芋賦自有餘。虞人挾彈不見尋。迥然一舒鸞鳳嘯。龔俗始聞天籟竅。富春山有瑤林村故徐處上舫以瑤林名其集。

野望

種竹綠滿戶。看山青到門。含烟一陂稻。臨水幾家村。碌碌臥溪隴。鷓鴣長子孫。此中有佳趣。何必桃花源。

輓華蓋國師

一衲賢於十萬師。爲君王扞國西陲。金餅再現毗沙相。玉帳長瞻滿月儀。長將軍庚奏奉恩旨准其呼彌勒。世主管八音。世承化寺呼土克圖。雲散難尋蓮社迹。道高應勒藥山碑。何人爲發兵機笈。永遣氈裘讐指攜。

少司馬長沙徐公出典浙試

方丈仙人節又來。吳山父老笑言哈。扶將綠玉桃枝杖。搜徧丹厓竹箭材。福地定香亭再到。洞天聞喜讌將開。理公巖畔松成蓋。細認當年舊手栽。一作洞天法喜讌重開。

擬贈友人

我愛瞿礪仙。體清心復逸。俗論方蟬噪。至言將不出。花欵真率筵。竹齋蕭疏室。晚持楞伽句。朝參鴻寶術。葛稚煉丹沙。孫登澹竹實。庭有幾行莎。園無半畝漆。鑿窗透虛明。支石枕宏瑟。方箋易一編。然香薰道帙。槁梧隨意暝。齋律自然密。佳緣一見之。世慮俄空失。

曉枕

曉枕櫓聲嘔軋。行人向宛陵歸。卻憶嚴公石室。露滴松身未晞。

次韻易實甫見贈

雖然勞燕判東西。靈府潛通一片犀。希有幸垂响病翻。干將祇惜半蕤泥。居然除道要章客。夢遶開先漱玉溪。君督湘巖與畫錦何異耶。約同游廬山。何日可踐。人日投詩今始報。砒砒怯出門懸黎。

又

四魂浩氣兩間留。才大難爲宰相收。手注陰符三百字。胸吞稊米九神州。時乎時且孝惟孝。春不春兮秋匪秋。邀子申徒抱石去。請看萬古汨羅流。

原作金陵人日喜晤重黎卽席有贈

龍陽易順鼎實甫

忽湯相逢老漸西。腰圍何用萬釘犀。別公已見塵揚海。愛我真同雲憶泥。偶作半山吟蔣阜。終參五祖隱曹溪。何人傾洞資排幹。精力真追重與黎。

憂患餘生性命留。追尋昨夢淚難收。客星未許歸嚴瀨。人日誰期見蜀州。舊雨移中談屬國。新鐙桃左照春秋。莫將舟壑爲冰炭。金石何曾逐物流。

傳舍東偏有圓門。戲署曰瀨鄉第九十六洞天。

此是華嚴法界觀。十千門啓得平寬。洞房何者非蓬戶。步履還宜支藥欄。茶沸出于秋蚓竅。松風旋簸春江湍。老夫飯訖蠻花簾。午枕夢中槐戰檀。

江漲

江漲一夜強二尺。河伯欲廣其宮爲。蛟龍沙徙彼窟宅。蛙黽霧集吾園池。喚取錢王大羽箭。射煞水府緋衣兒。葑田涸出十萬頃。魚陂千石行可規。

和家迪生登小九華

吾宗早遂耽奇服。有約支筇共看山。芒屨幾人游物外。精藍片刹出人閒。已湔雙井題名迹。無恙千巖石髮斑。何用沙隄逐塵鞅。只堪宴坐老禪關。

又

那有烟中玉女鬢。歸然亦復秀人寰。靜聞潛火茶甌沸。更待秋嵐楓葉殷。涪道人泉和子酌。嵇中散鬪許吾攀。相要淨業休歸去。日餌丹沙可駐顏。

題櫟莊

子託櫟名材。涉世吾真櫟矣。嘿然慙迹。姑寄耳園。淥水心太平兮。雲艸庵塔北。千花香氣發。城南兩禿淡。蠶甘何時櫟。下春作社。不用攜擎費酒柑。

寄題三花菴在繁昌之荻港
惜抱集有詩

木杳住卽我法住。雲水光如心藏光。一貝葉中言窅妙。三花菴畔樹幽香。何人巢此胙雲笈。長有童顏煮石糧。檻外江流駛如許。一龜早晚但支牀。

再和迪生

新詩再枉玉川子。便有清風動屋山。苦乏名醪供白墮。猶欣強飯穀黃閒。風搖碧尾鸞千箇。霧隱辛文豹半斑。會許同尋雲海去。敕令家事勿相關。

又

九華秀出碧芙蓉。此亦名邱俯一寰。遶郭香秔經雨熟。羅生叢橡入秋殷。屐痕宿留眞如夢。句律崢嶸未可攢。惟有冲襟得天趣。明年卮酒祝商顏。君明年政七十矣。

迪生方脩興化縣志有贈

斑管拈來興不孤。不教人物記模糊。情如白醉吟司馬。筆有南唐志董狐。興化本海陵縣地。揚州南唐屬泰州。佳傳寘縣屬揚州南唐屬泰州。不須千斛米。借書時伴一瓠沾。徧搜蘭芷出蓬藿。畸士公鄉何代無。

再有贈

潮來蒲稗深。秋至芰荷熟。已敷稚金涼。稍洗殘火濁。何方豁蕭曠。叢秩畏見束。吾宗淮海秀。旅腐若逃谷。

遠鬱一窗青。近局隻雞足。七十顏猶童。剛腸惡圓曲。夜燃松明火。細字作滿幅。早抽華陽簪。晚耽油素薦。雖無庭松吹。猶校本艸錄。吾愛其性韻。澹泊謝繁縟。相要黃精圃。歲晏期共劇。虛游物之初。託迹在緣督。

青門有逸人

青門有逸人。逸與世緣絕。丹臺浮邱經。千歲字不滅。升降隨風雨。肌膚若冰雪。呼噏餐朝霞。詘伸熊鳥節。方揚東海塵。又改西海轍。廣鄂羅斯人。經營自西徂東。鐵道事。朝謁西王母。暮參木公訣。廣張南海裕。閩西諸公。一舉凌紫霧。去來宛電掣。市南陸沈人。雖然衛生拙。飲水自得仙。不資服散劣。方畦九畹蘭。恥營千戶橘。心斷去來際。天光泰宇徹。夜飴彫胡香。朝汲丹井冽。何必求神仙。捐書自堪悅。丁酉之嘗。不爲槎客。故作此。廣言以解嘲。鈍椎集中。大抵廣言十九也。

雲光

雲光律師坐講經。妙香花雨四天下。飢寒不可充粟帛。國計民生何裨也。梁日君臣顛倒見。論空懺罪身可捨。不待青絲白馬來。已見旅葵生廡社。昭陽遂作單于宮。松風閣老曙戒者。陋史紛紛志符瑞。諛臣上壽獻深聲。以愚黔首國山碑。緣飾已甚真枕寡。祥符天書并自愚。郡國上芝連理假。虛名治世無實政。左言所以侵中夏。

野寺

丹地引人小歇腳。碧山爲我大排牙。王仲僧無科儀但磨衲。秋崦樵探隨簪屨。煮茶因汲西澗水。浮來一

片青蓮花。

感秋謠

秋桐翠琬鏤瑩澤。秋竹瘦玉搖離披。秋花爛漫驚老眼。秋果的礫佐深卮。秋光皎潔紫貝闕。秋氣欲換青羅衣。秋桂淮南遺一穗。秋蕉羅池展兩旗。秋雕勁掃野狐窟。秋蟀微吟豆花籬。秋人望朝霞障日。京洛知舊繫我思。謂子培仲駿止潛子修。秋士手蓄不龜藥。桓侯固拒復誰期。秋水紋波寄尺素。秋山刻露紺髮奇。秋心辛沙一隻箭。射過紅海大秦西。

送湯蟄仙大令之鄂州

佳人忽枉照清襟。重湖蟄昏愁太陰。又採芳芷郢上去。卻思負米越中吟。吾將鎮以無名朴。君試參之不鼓瑟。自課餘生盡忠敬。放翁家法勸予任。陸龜堂詩八十光陰猶幾許。勉思忠敬盡餘生。

自去年正月三日起始號芳郭鈍椎

不用夷門市上。何須博浪沙中。只辦東林虎窟。去椎夜半霜鐘。

秋漲傳舍爲水所圍

溝濁萍青處處通。瀾瀾秋浸匝儒宮。媿無治狀休徵迓。更懶芸生疵癘攻。天遣交游謝陶令。故將泥水蔽曹公。下官水厄知多少。試閱樓船招阿童。

夜來山月生

世林每憇和。慎獨啓神告。匪惟寒砭熱。彌見靜勝躁。無欲故靜。寧欲不勞。損之又損。神理乃超。一切淨業。吉凶方寸造。內景觀我生。惺惺難抱抱。一片冰池瑩。圓靈清景倒。夜來山月生。萬象纖翳掃。

欲乞量逐江上一小郡

眼前風景擗搯盡。擬乞廬山守橘官。別拓翻新詩本子。免教枯縛舊禪觀。

材堪

升高蝸以粘壁枯。多脂雀因挾彈胸。火馳子擁高牙坐。試問材堪卒史無。

答滌儕寮

枉示三章對秋月。歸然一老臥江城。襟懷洒落筐困倒。咳唾縱橫珠玉生。木雁閒知園吏意。茆龍歲乞隱君憂。暮年艸隸尤佳妙。屈鐵高枝綴落英。

又

後生莫笑履道里。雖貧猶有竹千竿。不須藥餌佐元氣。政以輪囷傲歲寒。愈我頭風文句勁。渥公顏赭酒杯寬。古稀行及再稀矣。閱世天教老眼看。

又

拙吏慵於冰底魚。水災愧匪庚桑居。何方可瘼衆生病。不職當還奇服初。清淨蓋公期間道。丁甯圮上待貽書。便思載酒元亭去。一掃枝言浮綺除。

江上懷六潭兼寄滌儕

江上西風颭酒旗。蓼紅柳綠未全衰。故人屈監筠州稅。六潭時權舊業仍溫棘下師。蕃劍夜光騰紫極。海圖朝列數黃支。勝流藥地浮山往。今見雲孫老抱遺。

詠懷古蹟十首

神山泉

千將子
泮劍處

聞說一泓水。可淬太阿銛。莫耶何許住。碧瑩鏡開簾。

慈姥竹

何年仙姥栽。嫋嫋洞簫竹。風來自成韻。不待伶倫劘。

白馬山

山非艷預堆。那得大如馬。聞有古銀杏。大枝堪蔽社。

戰鳥磯

夜驚衆鳥喧。桓公有怯時。至今腥浪作。月黑閃朱旗。

大荆寒壁

寒壁何人鑿。曾無玉出烟。惟有華鬢佛。寂坐山蒼然。厓閒瑠石佛一二百尊

小九華峯

并作一芙蓉。誰言九玉女。須登一百迴。時與樵者語。

周瑜冢

英氣已消歇。如留颯爽顏。吳王灑落契。不賜像廬山。

王敦壘

空唱龜雖壽。其如犬對噪。日光破妖夢。霜壘枕寒濤。

李藥師祠

公祐膏肓也。行軍山下過。猶能挾龍姥。槁旱洒滂沱。縣志云禱雨輒應。予規重葺祠宇。

蕭尺木宅

曠有蕭家巷。當時妙陸湛。思君無長物。四壁畫寒林。

謝湛侯惠竹皮扇子上有刻畫山水亭榭及艸隸小詩

是誰篆刻玉肌膚。上有老虔三絕姝。瀟水東來憑寄與。烟痕山影一華予。

茅亭應是畸人宅。竹裏眞成避世翁。挾有故人風謾謾。助予清暑樂融融。

楮先生移新葺治

楮生高聳上青霄。新透天光繫綺寮。從此青陰北窗臥。窺樽明月坐相邀。
楮生雖以不材全。入碓猶堪擣作牋。恥逐冰脂供鏤畫。卻藏深院鎖蒼烟。
蕭蕭策策楮先生。了當心空無俗情。引得西風一場舞。老龍鱗葉布縱橫。

蕉林下懷亡友朱鼎父

籬豆花開精列吟。竹畦盡處有蕉林。彈文眞諫官靈落。林下黃壚此日心。

中秋夜江上眞酒泛舟

爛銀盤從海底上。河上老人坐古槎。相邀黃海浮邱侶。會者印根石筍約齋吟鉢凡八人乘雲夜譙東皇家。圓靈倒景層
澗碧。萬里鏡淨無纖瑕。冰輪捧出銀漢浴。桂樹森列璇宮遮。雲濤堆裏棹謳發。水伯擎獻棗如瓜。東溟遙
指紫貝闕。笑電一掣黃金蛇。是夕惟東隅有奇雲怒撐時出飛電而西南北三方絕無纖雲天水相連一碧萬頃挂吾席兮中流。沂泗上下兮虹洞
无涯。目營積水不可極。疑到雷轟之西蜺羅跂禡之北仙之人兮。如竹葦稻麻。酒醒夢覺衣裳冷。金骨未
變挽河車。響空相和地籟作。仰摘星宿凌炮媧。大令帖炮瓜作炮媧不須噴酒水精域。相與說緯潛潭巴。振衣便欲
朝天去。披獻國論瘼癥痕。誰知局束稊米一塵裏。南止匡廬五老。北限於栖霞。碧城十二樓兮可望不可

卽令人胥疏江湖之上長吁嗟。

次舟均

湘陰彭兆琮印根

輕舟搖盪水精域。追籀太乙仙人槎。瓊臺參差凌彼岸。白榆寂歷眞吾家。天迴浪湧同一碧。淨洗色相除
纖瑕。以一光明攝萬象。圓靈水鏡无藩遮。經星漸稀緯星匿。那辨河鼓兼匏瓜。清風吹空衆籟息。物累脫
落夔蛟蛇。冷然乍乘秋水駛。警爾欲到銀河涯。主人有酒歡今夕。不逐神女餐胡麻。九華寒淨露紺髮。八
公勃窣排雲車。眞靈位業在俯拾。時代何必義與媧。相期伐翳喚吳質。不用喫酒招欒巴。惟祈民物少疵
癘。畏壘日月响羣瘕。迴船露下溼衣袂。四座半醉童顏霞。夜游畫燭不須秉。鼓缶莫使鄰翁嗟。

和

華亭沈祥龍約齋

大江秋氣來無涯。三五夜月尤清嘉。南樓老子興不淺。折簡賓從浮瓊槎。暢亭張讌近水次。遠景絕少羣
山遮。須臾冰輪湧地出。大圓鏡智無纖瑕。疏星磊磊三兩點。燈火熠熠十萬家。酒酣乘興沂江上。大舸兩
槳中流划。金商徐來衣袂冷。篷窗密坐同趺跏。東瞻牛渚百里近。租船詠史前人誇。謫僊人疑著宮錦。手
摘天漢之匏瓜。我今亦對古時月。陳迹同一國於媧。頗思乘風天闕去。匭函上事生光華。又思蓬萊瞰清
淺。長弓鳴鏑扶桑車。山河大地淨除掃。俯視六合眞蟲沙。強懷伐畔幾時就。白髮種種徒搔爬。坐令盈虛
閱世變。補天何處求靈媧。不如綠酒謀一醉。淮南叢桂將開花。設西域綠荔支酒。色香激豔可愛。橫江白露夜半下。回帆

路曲沿蒹葭。蹲蹲仙侶各起舞。深更遙指明河斜。且歌水調續坡老。歸來肝肺猶槎牙。

次韻

江夏陳崇禮吟鉢

分江秋漲未全落。歷歷高樹摺浮槎。浮天碧與水一色。河伯欲取山爲家。吳頭佳節秋正半。歲尙中稔无疵瑕。金釀酒熟得奇夜。萬里不使纖雲遮。使君高譙樂上樂。炎節已過浮甘瓜。岸鋪玉礫驚宿鷺。山擁紺髻蟠靈蛇。冰輪當空秋色正。酒船擊汰窮西涯。名醪俄頃致綠荔。塵爵何取宣黃麻。江湖之上思京洛。蓬萊織女迴雲車。座中嚴徐東馬雋。汨鴻氣欲排靈媧。未鑄沈碑作杜癩。且鼓大瑟呼瓠巴。清輝萬古鑑毛髮。勿遣一物生瘡痂。杯行到手莫辭醉。輸渴藥玉傾流霞。急逢鶴背且騎去。莫待城郭人民嗟。

次韻

無錫顧森書楞青

龍舒夕霽望蟪渚。鵲銜書至鳴槎槎。新詩爛如火齊吐。來自柱後惠文家。白頭趨作公府步。明鏡照不吾疵瑕。中言秋半月滿。三界淨掃纖雲遮。于湖風俗不夷鄙。摸秋遊女擎甘瓜。蕪湖女伴秋夜出遊各摘瓜歸爲宜男兆名曰摸秋劉芙初侍郎集中有摸秋詞傳芭張樂震山狖。醉草落紙縮秋蛇。江月娟娟夜嚮午。天風浩浩來無涯。元圃仙人攀若木。赤城彩伴餐胡麻。不持紅海英蕩節。翻覩青邱釣師車。觀濤乘興厲胥母。補石何術追靈媧。高歌槌碎鐵如意。結客傷逝金奔巴。君示近作有華蓋國師涅槃詩庚桑久嫌尸祝擾。畏壘常恐民生瘕。我心直與木蘭機。東尋石室神山霞。和歌沙礫繼珠玉。不恤子墨卿譏嗟。

西偏有隙地予手植梅椅桐數十本頗爲蟲螟所侵生意彫疏而草花自生爛湯滿院竊雨露之光榮以攢布善地傷夫君子蕉萃不見容於世不若小人之乘時感嘆有詩

中園莠佳樹抱甕勤滋培。意望金庭貢。山尊佐雲露。實以登雕俎。本以儲耜材。誰測秋蟲虐。葉黃枝漸萎。熠熠凡卉榮。紅鷲鬪重臺。秋光爭明媚。燦若黃金堆。屈平顏色悴。子蘭朝論陪。小人驕且閔。氣宇天闔開。正士久蹇剝。陽春幾時迴。所以栗里翁。拂衣歸去來。不忘楓棧夢。且進東籬杯。

山谷道人宴坐處

涪幡言語妙天下。到此荒山一句無。檻外野花飛一片。獨來摩詰敬文殊。

答公度

碧油幢引瀟湘去。除道白蘋風乍生。洛下飛霞垂乞音書來惠佩。嶺南奇服最知名。浮槎忽阻心无悟。

曲突深憂策未行。且訪涪溪薜厓去。徧巡葑屋課春耕。

懷雲門

秦中驛使近稀聞。翰天鴈書增秩云。青年渚銜斜映日。白馬山翁鬱生雲。玉泉昆明燈出霧。臥佛香界曲含薰。還爲侍從直春殿。制草一日九迴勤。君以卓異引見。冀內轉從官。

米海岳行書于湖新學記石刻

鳥啄落衣片石青。蕭疏筆勢在雲肩。銜名朗署無爲守。使轉嫌非不草形。鍾元常正書不草而使轉縱橫。三舍崇甯曾課
士千名姑孰近橫經。雖然海岳狂標格。未稱莊嚴禮殿型。廟堂之上以禮器史晨書體爲宜。最下亦須虞
辨分際。行艸只宜用之簡札。豈可施之碑版。真未之前聞也。

濠觀二絕

門前浩浩浮秋浸。天遣滄洲把釣竿。無數游魚吹碧荇。娑婆吾亦拓濠觀。

昨宵猛雨挾長風。狡獪須防老赤松。列仙傳赤松子隨風雨上下。默禱青天豁開霽。村村觀穫溘疲癯。

新磨厓

久向菰蘆中作吏。欣逢新出土磨厓。疏星華月行行朗。墜石驚雷箇箇佳。見說藏珠生岸潤。何殊耕壁出烟霾。雖無句律言語妙。噓古頻煩老眼揩。

元真子

階前秋水淨如綺。游儵萍合粘高槎。綠琉璃翦蕉子葉。叢桂晚作黃金花。元真子冠蓬累去。史記老子傳蓬累索隱以爲笠。手把芙蓉斬帝車。太虛爲室燭明月。道逢顏公醉流霞。公語南海尉。何苦侶麤糲。答云野性不可留。乘輿往覓元鱗窰。沂江上下楚天碧。此去真欲浮吾家。

蓋公堂之東有扉扇。鏤年久闢之豁然開。朗忽得一小椽子。廣裁六十四笏。中有高柳二桑。一安石

榴一帶艸叢生。柳大且十圍。扶疏直上亭。亭如蓋。疑年殆逾一甲子矣。於是斧橫翳畦。芳艸開洞。窗治小軒。風鑪石銚。偃仰其中。可以避世。南村逸老賀我。三日中得異境。遂詩以落之。

一日鐵圍門忽啓。小椽高柳豁斜曛。洞天久闕誰探勝。清景俄開好冊勳。坐得素修名節樹。臥看自在卷

舒雲。天教安性潭思了。細艸茸茸書帶薰。鄭司農戒子書云。將開居以安性。覃思以終業。

東軒詩有敘

新闢東軒。洞窗虛明。潤無纖塵。於待月宜。伐翳植椽。仰見太空。於看雲宜。習靜宜琴。逃暑宜棋。宜引垣。薛以取清陰。宜植經幢。以修禪定。宜穿池引泉。以養魚。宜編籬作門。以蒔菊。所不宜者。觸熱襍穢。子。剝啄至門耳。噫。茲隙地。棄爲醜。狴蓬藿之徑久矣。一旦芟薙榛蕪。畚除沙礫。瑟然冷然。異境遂爲吾有。子厚不云。書之石。所以賀茲邱之遭乎。

疏櫺枕小園。蟲網蘚衣垣。一日伐蒙翳。泠泠秋樹根。招來潭月淨。分與嶺雲昏。來歲澆畦潤。離披紅藥翻。

九日遠景樓宴集

傑閣登臨酒一巡。遠峯環峙若朝真。海門白馬濤何氣。柱下青牛乞此身。歲儉深憂民物瘼。時屯誰抱握奇神。黃花也笑翁今禿。久與南州風俗親。

破除

破除見見聞聞障。擺落蕭蕭黯黯禪。雲生疊空淦淦爾。風獵水面蓬蓬然。

雲門書來戲答

三食渭桃樊子願。五餐南菊鈍椎嫌。難馴飲啄樊中雉。俱絆微名竹上鮎。宛轉散塵天械縛。只餘野性不容砭。

適獨坐

室雖方一丈。坐可蔭千人。一稔黃雲起。六時知見熏。

灌畦

灌畦吾欲東園老。手種琅玕落點斑。植椶編籬緣蒔菊。支窗鑿壁爲看山。居然不詘伸而壽。王褒云。何必僂仰詘伸若

送印根

行將別矣大雷岸。何以贈之明月珠。濟世會須藏劒利。揚塵親見海桑無。青冥風送搏扶上。紫蓋雲開突兀殊。豈任蒸湘隱蘭芷。石渠方議致真儒。杜句六月曠搏扶。

無奇

菰蘆中住無奇士。泥水蔽人經幾年。三十六頭紅錦臆。何時射獵南山邊。

贈程文學

四海雲氣鬱蕭蕭。市舶紛紜民物彫。鐵弩三千射胥母。珠鈴七十老居巢。箋舂夜爇松明火。玩易園收竹實饒。政要龐眉徵綺季。中翰梯几待清標。

和

無爲州程佐衡

久逐溪翁日緯蕭。駐顏無藥鬢先彫。煩魚釜裏常憂碎。鈍鳥蘆邊尙覓巢。槎客幾看桑海變。園官且拾栗。醵饒誰尋蒼海君。求士試倚長松千尺標。

重遊別

赭圻山下雨昏昏。不辨攢楓何處村。青鷁大舫出吳險。黃鵠怒磯迎郢門。南州文學行作記。北客風濤那可論。登樓迴望君行處。高浪拍天翻白鼉。

和熊州牧九日約北山登高期未赴徑還舒州詩

九日龍山續勝游。坐無鷺子遲靈修。芒屨卻蹋舒州塔。綠酒誰同蕭寺筍。米汁罷參禪白足。帽簷不落賈長頭。知君擊汰中流興。爛占江南風物秋。

得松岑白下書答之

荻黃楓赭粘天遠。苦雨乍晴秋已晚。石頭驚濤拍岸流。故人書道加餐飫。攝山游屨興未踐。次宗講堂深

坐穩北渚呼牛供奉祠。南朝射雉華林苑。王室艱屯漆室憂。西乘弱水東薪流。東南民氣空杼柚。日月災祥考異郵。誰開幕府山頭讖。芳艸萋萋望蔡洲。急用阿龍超建議。新亭會遣淚痕收。

規立經幢

本自赤條條。地元來不挂一絲。爲問幢於何立。夜半有力負之。有時黑宰宰地。旁通辛告辛擲。衆生散塵擾擾。若以世法對治。徒恃刮毛龜背。效如捕風。焚絲奚若橫出世界。不立一法嚴師。常攝諸法方便。權實對勘。總持無幢而幢具足。折幔伐石何施。迹順隨緣。日用六時喫飮着衣。堅苦澹泊立腳。搬柴踏碓不辭。斷去來今三際。現行坐臥四儀。偶爾度生說法。止觀平等除疑。門外風花一片。瀟瀟細雨簾翠。

光緒廿有三年龍集丁酉冬十月朔。於東園中建大法幢。所舉經言。乃修己治人之要道。依此法修一切天人世出世間。盡靈饒益。正無埃參庭前柏子。作優畢又頌也。袁昶記。鄭孝胥書丹。

天行健。君子以自強不息。

克己復禮。集義養氣。一息尙存。持志不懈。

地中有山。嗛。君子以裒多益寡。稱物平施。

接物則一。嗛有四益。不敢爲天下先。

天在山中大畜。君子以多識前言往行。以畜其德。

畜養也。誦先王之法言。仿古人之製行。所以養吾德性。

山下有雷。頤。君子以慎言語。節飲食。

禍從口出。病從口入。慎之又慎。第一要義。

雷在天上大壯。君子以非禮勿履。

禮之根源在忠。恕可終身行之。

山下有澤損。君子以懲忿窒欲。害性以忿欲二者爲大。亟宜克治。

風雷益。君子以見善則遷。有過則改。易道損之而益。消陰息陽。損人欲而存天理也。或益之而損志。在人爵則斷滅天理矣。故損益二誼。足以盡易消息之常理也。

兼山艮。君子以思不出其位。謹守界限。大閑不踰。

麗澤兌。君子以朋友講習。凡處逸大儒在位通人。咸從捧手受學。以攻吾短而輔吾仁。右九卦之誼。剛柔相克。動靜交養。理欲對勘。

敬義夾持。人生日用之所必需。或出或處。或默或語。之時節因緣。機宜咸備。道不可須臾離也。事理不

二。融通無礙。神藏形見。一以貫之。

寄黃丈

翛然敷席龍山下。竹掩荒蹊槿插樊。遲我挈舟肱石筍。敷公無所發狂言。國工袖手傷時變。風氣萌芽孰道援。白日淺馳秋水駛。滔滔何以濟蘄屯。

沈母韓碩人挽詩

久識茅容拜令儀。崎嶇八十德門持。身丁家國中衰日。教出淵齋甯馨兒。思古勞臣斂時服。矻今滂母斥韋脂。諍臣賢母由來少。不獨生芻觸涕洟。

又

京師如海獨無醫。此語深悲黃與倪。我久傷神風撼木。君今摧哽雪緣髭。四朝眼見良非偶。一傳賢明史

待落久薄遽廬今謝宿。結埼營窳翦茅茨。子培以一官爲護廬每語友云可一宿不可久處全謝山先生篤行至孝廬墓先後五年不應徵聘故以此期之。

聞節庵到舒州

畸人聞宿舒州寺。湯宴猶稽春穀居。橘性過淮仍不化。劔心敷座翼相於。南游莫便棲勾漏。東野能容倚。峒虛。緣底青溪羅帶水。遶鍾山而未忘渠。

左文襄祠堂

飲馬天山自勒珉。洗兵蒲海動如神。丈人慧許超三界。分數明能將萬人。晚節夢中猶縛鱣。公年七十四左右時聞公夢中寤言連呼速殺孤拔孤拔拂菻水軍提督也。小年圩頂健摩磨北池捧手兼風義今日湖壩薦藻蘋。督師駐延平。

九月廿九日陪節庵太史登山

又撥藤蘿到上頭。酒清世濁那消憂。客真三百年無此。天展重陽節再游。北塔青蓮花涌出。西風黃葉葉。擦愁。沈冥爲訪弢廬宴。更上崢嶸第一樓。

和

南海梁鼎芬節庵

秋老林風葉打頭。使君謀野散千憂。早知邱壑同微尚。正好年華補昔游。天際舟隨歸鳥倦。洞林雲去墊。龍愁。山僧不解涪幡意。自去椎鐘暮倚樓。

語次棖觸世事再次韻

又

閑來宴坐共科頭。百本豈難解我憂。雙井論詩容合派。鈞天張樂偶同游。眼中人漸垂垂老。江上山成寸寸愁。困學微言最深叻。何方重築浚儀樓。

詠史

興國都緣策力優。求才妙用斧斤收。隰朋愧不如黃帝。齊桓公謀卜相。管仲曰。無已則隰朋可。其人自媿。文印曰。媿不如黃帝。陸賈權能致絳侯。一展之閒皆得任。八紘爲網善勤披。弓調馬備因時御。端在知言徹衆流。

送茗華館主往海上將仍回鄂渚

句無擇律予真懶。筆未忘規子獨勤。帆拂壘洲腥霧散。艸芳江上夕陽熏。舊巢不訪華陽逸。君此行不。及還焦山。力士猶求蒼海君。天地圓方吾不識。還揆黃鵠問渠云。

題故權運河道陽湖湯君小照

匣有無聲妙。陰俄夜壑移。濁泥槌石竹。清蔭到孫枝。霜落黃河滌。微吟白雪詞。像留廉吏逸。持以勗來茲。

十月十日聖母皇太后慶辰祝釐恭述

沙籠祥開菑瑞莫。媯竇雅奏邁奇稔。萬年觴奉排雲殿。九擗懽臚夢日亭。成佛玉鑄三寶册。振饑金散四重溟。由來家法希崇儉。不獨邠風寫御屏。

用墨

上賢莫使齊蒿蕙。貴儉端應銘布衾。一日烹阿封卽墨。十年貴土賤黃金。雲梯九距嫺兵略。泥水重胼鍊道心。若命滑釐爲上將。管教歸我鄆。謹侵蕭齊辭主且云俾我治天下十年當使黃金與土同價非儉德。節用不足以掇時病也。今英法俄德狙伺我內困洋債驟貴鏹價以賤我致我貨幣操輕重之枋洵非淺患不知中國地方數萬里所貴者有土有人苟能用賢理財十年教訓猶可以爲善國區區估胡射利困我奚足患哉我固有不愛困足辦自強之術在

所藏漳浦黃公斷碑研旣爲詩以志其事矣再頌研惠遠想慨然

片石痕猶攫虎螭。分行剪鐵入沙治。英雲一縷湯平藏碧。妙墨千年此裂碑。蕭瑟滋嶂坡老節。辛綿滂礪石公詩藏之大滌山深窈。笑電噫風長護持。

料理嘉筵

慈蔭遺箴手寫砭。唱隨舉案禮須嚴。陳長文使充持東。吳隱之無猝辦斂。勸學蓬麻扶汝直。淨名花葉偶予拈。吾親不洎衿鞶戒。善事尊章治米鹽。柳女將出嫁嘉禮之筵屬陳參軍料揀

寄題泖上融齋書院

菰米青邱熟。木樨丹地聞。楸予心正卻。覺世志長勤。野興零壇逸。風情華頂雲。陽春臺更築。神理尙烟溫。友人梁茗華。焦山易實甫。廬山皆願據。爲十方常住記。荊騰嘲。

久以焦匡姓是山。今爲逋客劓茅菅。欲專一壑瓜牛老。從狎二林雕虎斑。山姓應隨常住改。墩名久假不須還。帝前訟牒如難判。一半青教割翠鬢。

翁虞山相公遂參大政感事抒懷敬草拙句十二章寄塵辛覽不自知其言之戇也雖非芝房之芻
言亦附野人之芹獻云爾

王國魚鴨見。占惟金歲穰。時藉搗柱力。用細度支詳。日了三千牘。貧無八百桑。甘盤肩典學。爰立重溫良。
三世經筵貴。九容齋日居。練衣爍弊俗。蒿菜卻邪蕪。山澤儀仍逸。葵鹽飽有餘。畏人知儉德。適野每巾車。
拂水曾無墅。房山偶訪經。卻嫌金帶重。命寫布鞵青。卷展濛元鎮。臥游瀟洞庭。帝師赤松子。密勿贊風霆。
偶出凋鑄興。機鋒不縛禪。剷除頑雪竇。擺落鈍雲門。勁句參懷麓。新詩推道園。下籤漢廷史。揭范蝨拘揮。
秩居三獨坐。心在一丹邱。奏記容長倩。卮言鎮子休。吹响庸樵吏。吐納衆枝流。素抱陶羣品。精心考異郵。
屏削碧蹄館。賈洲氛霧開。蟲沙軍遽化。犀甲艦俄灰。悉索乘章犒。旋歸謹郛萊。過江三論跋。龍沛茂宏才。
治事資神理。康屯出道情。人材收履屐。廟算決基枰。衆難敷言解。羣疑闕市平。指攜暘雨若。弢版定從橫。
公望安溪老。義文贊洞璣。禡牙準部薤。佐揲景陵著。密疏全清恪。虛衷問抗希。中天懸治象。貞觀有元龜。
時巡浴繭館。觀織濯龍中。孝治暢春葺。尊親函夏同。蜀災廛聖慮。南柚愍其空。易格高天聽。敷言謝傅融。
藥洲重訪古。講幄繼華光。北狩諫灤水。庚申秋文端公歷上封事東戔今樂浪。門徒鉞躁安。新進斥披昌。已寤王恢謬。
橫磨說劍鉞。

人爭言富國。效似繫風何。儀衍皆自利。孔桑何太多。葛侯工殖穀。蕭相政除苛。盡詘諸方士。車千秋鬢皤。

車公以富民侯爲孝武相。民富而國焉有不富者。平孝武晚悔。責躬之詔。洞知本務。車公實屬贊之。

侮食營場權。左言潘譯胥。裹蹠平準困。鹿幣上林虛。舉燭民陳隱。封椿國議儲。願聞第一義。龍象法筵初。

漱丈自武昌還敬敷中弢弟典試事竣乞假侍行有寄

叢雁南征丈北來。講堂新闢瓌公臺。罷持黃鵠仙官節。還侍白雲親舍杯。想見鯉庭桃李拜。待迎登谷薤蓬開。將枉顧陶壙留連。旬日遂遣舟相送。蟹黃橘綠深卮倒。宛似城西社裏陪。

以遠鏡望三山之巔有小團瓢疑真隱者之所游槃也待訪其處先志以詩

不如出世朝真去。雲構厓懸路幾層。石鼎道人風便旋。瓜牛老子雪嘗騰。鏡中翠靄愁千疊。肘後烏麻曬九蒸。苦望喬全不見我。東封投謁或當應。

江上

江上華予千疊屏。洞扉訪古一瞿矚。丹沙水浴容成少。薜荔衣縫木客馨。雲尚笥河鞵底海。山仍太白眼中青。閩仙大滌不歸去。尊卜九皇斬古靈。發廬子說黃山之勝。無雲不海。無松不蓋。笥河朱公屢往游其巔。題名最夥。

示兒

吾無隱乎爾。祇有這些子。終日閑言語。松濤聒里耳。敬誼與嗇捨。因時各行是。三根救命豪。猛省求諸己。敬勝意。誼勝欲。敬以窮理。誼以決事。二者夾持理事。回環融徹。不二元官之靈明。善嗇而不輕用。故治人事天莫若嗇。嗇故能早服。積應而無不克。萬物皆身外浮雲。斷一切去來今際。三世俱捨。乃證修持。不損。

諸緣無以為入道根本。能者得傳之。勿覲面千里。苟能勤摸索。不窮一尺捶。功夫日用閒。穀帛食飲似。絕百孔求源。在銖積寸累。天機心孔到。涉趣知其理。真源不遠尋。醴泉勺園裏。此外付蒼通。浮榮真芥屣。行止信諸天。冷風搏空起。

讀南岳賣蘊翁集

贈荊青原方丈銜札丹霞禿翁。掃淨竟陵魔障。風光駘宕之中。

寄茗華

一片昆侖寒玉瑩。幾經魔劫石沙攻。雲生焦洞兼招我。霆擊欠山久付公。橫舍箭材槩筈直。芳洲霜葉照顏紅。猶餘五筴辛文子。早辦輕舟觀海童。

投隱

西海姥新斂尙方。東明王遽作狂王。今春御放尙方珍異。專使聘賀英國。近聞朝鮮國王遽竊摩號。殆將亡矣。已荒玉斧河無界。會撫銅駝走且僵。綠字天函投宛委。朱陵地肺隱良常。何方菌閣烹石髓。攜手人閒荷芰裳。

張高

東滄求士張良俠。北宴稱詩高允融。生恐負他翟黑子。諫能助我夏黃公。善藏卒用文无害。內斂文明用不窮。鐺季佛狸兩伎主。功成文退信爲工。

瀨上雙臺八松歌崇禎十一年戊寅七月漳浦黃先生以少詹謫官冬初至大滌長至後十日與門生何幾兆曹木上泛舟嚴灘將還石養遂登釣臺手寫八松支離蟠結之狀畫爲六圖各系以贊語今此圖不知流傳何許也久不歸山思此八公如病瘠首爰志以詩

釣壇蒼官八髻髮。鱗作之而穿戶牖。東西日月挂兩丸。風掃九州赤縣垢。澌込晞髮謝參軍。大招楚些喫
辛酒。化爲朱鳥不歸來。千山怒濤射胥母。漳浦黃公出大滌。延緣瀨鄉棹舟久。解衣滂礪圖其狀。尺幅萬
里烟霧守。一松各繫一贊詞。周黨嚴光相人偶。又如淮南八髻翁。議堂諫院相匡糾。懸厓飛瀑下撞灑。絕
磴金繩上鑣紐。白晝往往山精號。雲壁潭潭彫虎吼。松乎曾識兩忠蹇。焉肯樵蘇落人手。絹本蠹落何人
得。天敕六丁負之走。嗚呼黃公不返大滌游。閩仙閩仙洞。距縣東二十六里。忠端公履跡所到。謝生溪南空墓田。予亦江海漂
搖不歸山。浪餐雞鶩腥臊二十年。縱然陵陽竇明秬。高隸我堂廡下。未若嚴子招我歸來篇。爲問松乎松
乎。今幾在上。枝拂雲接黃海。下枝倒浸紫溪匯。柯葉不隨陵谷改。誰能令東溥之桑西若之木。侵陵閨竊
掩光采。吾將鏟刮頑石厓。籲天九叩問真宰。行歸撫汝八髻公。石骨霜膚青硯磔。

桃椎子

霜淨沙寒數碧魚。窮山影落澄潭虛。庭生海月白疑曙。楓射江霞丹不如。鵠孟羈人北部尉。馬卿嗚彼東
封書。惟桃椎子差堪語。數栗開筈一起子。

蟄仙太史來主翠螺書院

玉筍仙人降蘆菰。寶氣夜分明。湛盧。俳優不數東司馬。史筆舊推南董狐。曾無夢到蝶周也。倘有意存牛鼎乎。赤青二氣景星合。潛嶽東西穰也無。明年黃丈仍主敬敷相望數百里之閒。馭越德人萃於此矣。

趣滌儕校刻藥地炮莊

極丸老人晚棲禪。茅筆戲作南華箋。仗有雲孫巖電眼。根器縣歷三百年。浮山光氣不可掩。鏤版度之青原巔。

政在

政在徠遐。埶邇宜。蘭闌彈指。浹蕃夸。羶行能致邑。都湊。鵠羽已成。矰繳披。叔子懷仁。柔陸氣。茂宏養晦。任陶喙。由來柔忍。能藏用。苦縣示人。慈衛之。縣諸仁藏諸用以忍辱負重濟之則用力少而成功多。

小懺

奚止三句。晏起差。管幼安語。上章首過。莫安排。蟻毋措足。湯揚沸。謂用法嚴。鶴有高尻。筆近俳。半世宿名。炊枕黍。一重公案。隔牆斂。僞門澹泊。難收縛。只肯低頭。拜寤厓。

自訟

已入孔融過二年。道根器業兩茫然。敬忠尺捶用不盡。利欲漆盆猶未捐。既障散雲點淨月。未除濁水攪清淵。代農一味充朝隱。只第三流名字傳。

次韻答子衡

雅喜梅子真嚴陵相頡頏。新詩衰白有輝光。難龜已溺援明墊。且注桑經抗鄜長。歸饌江魚供白白。誰窮海

棗問蒼蒼。百年各抱分陰志。深坐潛齋老講堂。應先生搗謙證人。社中巨儒最可。宗法。惜著書多散佚。傳者甚少。

跋廬子以稽古之力新荷天恩賜五品服贈言志賀

經生朱紱占來徐。會見重徵束帛車。角折方教馴五鹿。牙緋乍許佩雙魚。杜公校檢甯嫌晚。柳子婢媪足
杜甫年五十三始借緋。柳子厚自述先世五葉官皆止於六品。莫笑天台老智者。須知箸述滿精廬。

和

歙縣汪宗沂仲伊

垂老多慚下榻徐。閒蹤原未瀾徵車。曾遊渤澥頻驚雁。擬傍桐江學釣魚。貞疾長延耽上藥。觀書索解悟
清渠。久諳野服更章服。應关跋廬不草廬。

汪菊貞爲我作富春溪山臥游圖因識其上僕抱軒轅道士之癖。謬不喜作世俗書。因口占屬門人寫之。

近而察之。上有驂驪歎薄之連峯。攀緩鳥之爭輓。下有抱遺守藏之猶龍。採菖蒲之紫茸。遠而望之。中有
砧厓抉石之奔瀧。擎舟葦閒。延緣而相從。寢療謝人事。滅迹入雲峯。試拈大謝句。吾將糗山中。之鍾乳。製
溪上之芙蓉。望天門。披心胸。持青琅玕。謁帝九重。周流乎天。予乃下道逢浮邱子。酌我以明霞藥。玉流黎
鍾。浮邱桐君下視嚴陵乃大父行。擄斥二豪。螺蠹。勿以五漿供耕山。出玉甃。漁火搗芳芷。容成玉女來獻

神丹一玉七佩入山符。罔爾不若無由逢。徜徉笙吹松下奏。九鑿之鉢花閒春。偶然渴暍千年炊黍。暫游小別。萬里支筇。客何爲者。疑是虞驛之友。石戶之農。眎天下猶遺孺。斥國工如雞雍。邢數真人白水以爵。龍國士狂奴咄咄。往來憧憧。刮掃一切。噉名客。乃見太古之卒風。如此足辦長不死藥矣。何必艸衣木食。响吹呼噏如喬松。

戲廣陶潭十二景有敘

漱丈將來游陶潭。問境內名勝有幾。爰拈韻語張之。以復於納言公。以迂跲然之足音。將毋九題八觀之目歟。抑亦汪倫所云。桃花十里酒店萬家之類耳。丈聞之。定發一大噓也。

一覽亭

迂公一枝藤。超然來一覽。練影亘吳門。放目吾豈敢。

千佛厓

何代鐫佛龕。則公應身是。長年不言語。靜攬衣雲詭。

待雲徑

聞雲門將南來。於避世亭西。闢一墩徑以待之。

洒落雲門棒。云將來挂單。徑三治彼一。酒熟遲樊山。

夢日履

貉子闖荒冢。危亭上朝暾。江湖別有夢。藏史戀金門。

滴翠軒

猶是森如滴。涪翁眼中竹。孫竹又生孫。復怡吾輩目。

飛丹閣

躡上鍊丹臺。晚汲洗丹井。閣中有逸老。繕性出入境。

干將試劍泉

泉無一日竭。劍有千年鏞。喚良工淬治。光騰尙方宿。

酒姥玩鞭舍

一縱巴驥去。猶留七寶鞭。論功姥合賞。未使姓名傳。

蟻磯竹峴

冉冉緣厓竹。洄洄絕岸磯。嬋媛擁絳節。宵趁怒濤歸。

牛渚茅龕

絕頂一茅龕。番僧乍出定。危磯震清梵。下有魚龍聽。

大荆山湖秋泛

圭齋乘鯉去。吾輩復鸞騶。湖拭青銅鏡。巖排白玉筓。

小蓬萊榭雪眺

試上蓬萊望江南。江北雪中多雁戶。飢授以丹臺訣。

續作二絕

遠景樓觀鐵如意舞

一試柘枝顛。喚人如意舞。衣雲樓下散。仙袂風前舉。倪文貞公築樓曰衣雲。取梵冊語。

放生池誦金光明經

於無所住生。平原持律精。不索明珠報。但戒食鱗橫。

題觀物觀我之室

觀物在達性。觀我在克己。欲知觀之用。先務知良止。欲禁令加民。治務一身始。自勝者積強。忠敬爲之宰。譬如鏡攝形。寂中含照理。圓靈湛虛融。萬形無遁詭。居晦而治明。羣動受靜使。又如渴求泉。遠隔蒼石髓。家有石覆泉。顧未知之耳。抉石汲芳寒。其甘如木醴。止乃畜定力。不踰界畫是。惟見己之非。物論有公是。內炤已真妄。不管物成毀。偶然發照用。旋返聽收視。沙石磨治瑩。器惡始成美。內憂與外患。冰蘖相齧砥。

古語曰凡成美者惡器也此可以箋詩如切如磋如琢如磨佗山之石可以攻玉之誼君子終日言不出卦畫終日行不去輜重藏修息游太警斯須離四德之元五常之仁造次必於是顛沛必於是時乎窮時乎通常素位而行之入則求法家拂土出則以敵國外患爲奮勉求治之資守道故也坡公詩慎勿怨謗譏乃我得道資於泥生蓮花春壤出菌芝賴此善知識使我枯生冀闢室守嚴師超然祛衆累二觀同一淨迹象皆穰秕物我本一源何分馬與指

窮冬

蕭索窮冬建子月北來海印寺氛橫膠州灣變起地近勞山海印寺世方未定元黃戰吾那容兼吏隱名歲望小康千室飽身思大滌一瓢行救無家事而公恩獨往栖真洞口耕

漠漠

漠漠雁南去疎疎洲荻黃林丹閒峽翠日氣射湖光題竹白迂安剡舟元漫郎獨看雲起滅姑與世沈洋

督部陶公餉甘州枸杞

道遠驚深眷吾衰服食須世羸宜急療元氣倚深扶甘美衆仙杖絳圓千琲珠傳將張掖種潤入陸生廚惠許郵程致公眞草木驅窮邊儲上藥涸陸被遐响玉帳童顏健金微芸物蘇函封起疲茶滲液到江湖不數青城突細鈔黃石書天隨漸輕健銜戢豈區區

陪致仕納言黃丈暨仲弢叔頌兩星使登小九華讌坐是晨風日清朗有表裏江山憑眺之勝薄莫

乃歸作詩卽題丈六十六歲行看子

去年尙書持節過姑孰。山雨滂沛阻移罇。涪翁病塞樵竹戶。敬謝枉駕煙嵐昏。似云畸人猿鳥性。無補將略雲雷屯。壺公方任天下重。何事來看黃綺園。今年納言試笠屨。德星隨侍雙星軒。旣攬閩丹沙。與楚竹箭來游撰。杖妍冬暄。涪翁色喜風日霽。羣峯獻狀如兒孫。壁有勤敏欄衫亦宗望。滴翠軒壁間有黃左何況黃山黃海亦以公家疏族論。掃衡山雲海市霧。韓蘇猶詫精爽開天門。涪何後恭而前倨。一笑故事山中存。丙申正月十九日。南皮督部師道出陶塘。攜寶從欲游赭山大雨滂沱遂不果往。入山亦視勝緣機契否。人生遇合要作如是觀。是日馮欄發深慨。落日野鶻浮圖。蹲深杯屢注銀鑿落。題字待伐蒼厓根。江南江北望不極。無數翠栝丹楓村。書生空抱馬革志。諸帥誰靖犀毗蕃。丈人顏如紫芝好。國之三老梯几將乞言。仲叔廉謹善事國。一封軺傳方銜恩。江山氛昏待洗滌。龍蛇濂雜浸濁煩。方當詔徵黃綺用。一掃腐嚇鷗雛喧。丹邱黃海之神撫掌作左證。徵公無所發我之狂言。

辛真子泊宅有敘

雅愛老杜句云。南市津頭有船賣。無錢卽買繫籬旁。君之發興扁舟。又苦澀囊中止。寒窘之度可掬。予亦蓄此謀久矣。今始得賃一艇。月費廿千繫之新步。自此混韞仕非仕。隱非隱。胥疏江湖之上。虛舟逸棹。縱其洄復。可游於廣漠无窮之野乎。殆僅足過托杜公云爾。書勝張之舟中元真不作海南尉。認取浮家是汝家。去戴溪邊青箬笠。絕勝陌上碧油車。曾無寸效士橫艸。持傲丈人翁。

浣花從此匡廬與潯嶽。往來天遣尹魚蝦。

送沈大歸雲間

憑君傳語西林檜。三十年前舊行者。行規投老結比鄰。何待營園秀兼野。

對雪懷芳郭諸兄弟

朔雪垂垂至。江雲淦淦披。遙憐灑上樹。正暝臘前卮。曲突曾無策。連床未有期。蕭疏藏室吏。舌在齒今危。

偶問葉奇艸木子

至正初年一事無。忽驚烽鏑擾方隅。棘中銅狄笑摩汝。橋上杜鵑悽警吾。疾諱將深醫固拒。碁無先著局全輸。畸人楫戶觀羣動。艸木春秋恨有餘。

大懺

荒忽騷人持問天。踦羸版築罕良緣。天驕侮食兵盜弄。民困征輸室倒懸。精氣變痰先自治。木冰生蠹節無堅。且攜新鑄長鏡去。剷破陵陽捉地仙。

探池北早梅

池南凍折小琅玕。十日嚴風特地寒。探取空枝衣黛蘚。分無錦繖護瑯闌。藐姑何許冰肌骨。胥母生來鐵肺肝。九里洲前鄉夢遠。茗茗誰贈一枝看。

憩野寺

欹斜入荒蹊，蒙密翳修竹。中有阿蘭若，洞然開遠目。崩崖半入濤，陽木經冬綠。僧荒律四分，雲敝衣千族。夜眠枕滄浪，朝飮畦杞菊。敷義齊緇白，行歌雜藥牧。濺濺冰礪流，跼跼汀帆逐。偶此玩幽栖，世機觀倚伏。
是日以勸墜工過此，遂與道俗析講六度義財等既混迹，緇流須守經律，否則為四民之害，正法所不容，一衆悚然。

書漳浦先生文不傳人論後

文人孔翠毛，又如艸木花。落即離本性，性命何有耶。德人含內景，淑氣蒸雲霞。但內治己性，不費詞百車。篤道菑書之，神奇生弊窪。遇何通何塞，道何損何加。製行秋蒂實，摛詞春林華。性行如金玉，詞條付泥沙。鏤畫冰脂者，瓊瓏涉浮夸。其中存者幾，暖姝守私家。一斡壑舟去，邱貉噉枯槎。日月景常新，德人思无邪。治心宅忠敬，養氣齊隆窳。道濟康世屯，詎則隱巖蝸。審幾柔藏夫，乘時堅攻瑕。祇本分上事，善俗瘼癥痂。道乃法自然，如禹治水耶。了無功德相，澹漠游羲媧。浩然排風霆，度人如稻麻。熱然課七旌，陽德葆萌芽。譬鑿地得泉，汲者不可涯。寄語蘭苔上，孔翠銜金花。莫使傷彫落，朱顏霜雪嗟。

前明副貢蕭尺木先生雲從墓近始訪得在嚴家山屬饒守戎陳參軍江學博修治既竣勒石禁止

藥採設脯酒祭之 井度墓旁地 栽松四株

粉本匡廬將雁宕，好山祇向畫中看。孤生淚洒朝天柏，後死心同沒土蘭。
鄭所南畫蘭從不帶土以立足無一片乾淨土也肅君自以國

變餘生。常備靈谷寺。步謁孝陵。又畫四名山。太白祠。及勞不許樵人薪宰樹。乍逢野祭列春盤。一般風味。公祠四壁。意謂殘山膿水。祇於粉本中遇之耳。乃寓言也。

滲居士共酌陶塘菊。寒塵老人同來。

別李大令

化州人。一宿去。

乍見機相契。昆刀發新礪。明明一片月。礫礫幾行星。地肺茅龜守。天台菌閣經。袖銜烟霧結。搯十四州形。
貽我兩浙地理考略。

懷芳潔宅

停雲思故園。遠樹縈新陌。竹剝臺已傾。桐摧井无迹。日出山光明。倘映吾衰白。行葺茅十閒。更穿池幾尺。舊來雞犬非。安用新豐宅。近託三兄卜新居。去舊宅一雞飛地。營居期僕陋。燕徑漸芟關。但取洞窗明。坐延嵐翠適。或招同社人。儻言真率席。陸生善澆冥。向子知損益。從求好畷田。偶注名山易。歲晏將疏麻。風煙悵猶隔。

跋

自少孤露。纏巨痛於風枝。雖終身言不文。可也。時運艱屯。抱深憂於冰谷。乃以浮文妨要。抑何謬歟。去年力懺綺語。今茲仍出卮言。記責手心一百六十四板。太上老君急敕如律令。鈍椎記。

金陵雜事詩一卷

附

姑溪

月夜訪顧石安烏籠潭坐談久之出陳大畫帙諦觀之略似現前風景因題

仁未熟

戲代懷廬答蕢齋學士

北極閣

鍾山

秣陵雜感

寤園有樹譯云明石斛某行人使墨利加從海外載歸以獻左湘陰使相使相轉遺桑根丈遂植之
池上文襄作記書此一段因緣今且分柯亭亭如張兩繖而兩公以光緒乙酉皆先後辭世艸宿
十三年矣摩挲此樹不覺泫然

恪靖相侯祠堂

臘月二十六日獨游燕子磯

兩天門

卻寄蕢齋六丈

周國祥將行

付寫官訖

姑溪

桓家歌逐綵雲滅。庾令臺無繁吹音。那有燈花妍入妙。只餘江月喜相尋。銀蠶冢識千年氣。玉棘輝銜萬里心。傳語姑溪水犀手。同仇期報主恩深。

月夜訪顧石交烏龍潭坐談久之出陳大畫帙諦觀之略似現前風景因題

霧樹月泠泠。停淙烟脉脉。向來風景熟。高論俄今夕。居士顏尙童。使君髭半白。厭聞海市爭。投老神仙伯。陶陶林下娛。宛宛畫中迹。豈意秋豪巔。印茲烟素癖。陳君吾故人。卅年顏而隔。居然天機精。能自造氣格。金城柳再扳。綺榭落新闢。堂上書半床。闌前花幾尺。何必柯丹邱。何必姜白石。雖乏小紅簫。燒卻老黃蘗。山邀入酒杯。水任圍歌席。不學心齋忘。且耽腰帶適。

仁未熟

微雲晦明月。靈臺未澈激。天花撒著肩。有漏滯小乘。性行時未至。最上隔一層。霏雪點洪鑪。僕蓋病未能。

伯純還見獵。支公尙癖鷹。鷓子過新羅。一念然和懲。仁義未爛熟。血氣猶侵凌。不如嚼冰蔬。外形骸自勝。懋然而看壁。枯木倚巖藤。淨洗妄綺語。坐兀兀騰騰。

戲代懷廬答黃齋學士

德水明如玉。朱航凍不春。生甯終伍噲。公乃肯臨臣。訶尉南山獵。書王西狩麟。有時把栗尾。艸隸妙如神。北極閣

閣勢飛鳴俯混茫。後湖葑捲蟄龍藏。眼空六季多殘局。病入三焦少藥方。蕉底鹿垂分楚漢。槐中螳尙夢侯王。拄頤獨看棲霞髻。餘雪凌兢拂石床。

鍾山

丹臺都被暮雲遮。枯木叢篁但噪雅。緣底艸堂今寂漠。無蜩無鶴只蟲沙。

秣陵雜感凡十九首
非一時作

清歌如水遏行雲。暮雨瀟瀟曲更聞。官柳桁頭扳折盡。重來愁絕杜司勳。

三十年前老龍吉。謂松峯豪華剗淨鬢絲彫。於今木榻穿相對。東郭无言令意銷。

舊交髡蓋與鬢蒼。華蓋國師李牢落雁門騎可傷。晚過黃齋中執法。張六學上細看鏞澀劔栢囊。廣威家灣

飛霞閣裏人去盡。晚餘顧處士幽栖。溪橋宛轉通一徑。離畔判與醉如泥。

不堪迸淚新亭客。風景依稀似隔生。擊碎唾壺天又醉。銅琶鐵板不能平。
從江乘渡泝秦皇。綵雲明滅讎良常。畢竟雄才誰得似。鞭笞六合鼉爲梁。
腥浪琅玕臺欲傾。北來消息未分明。似聳新敕館伴使。待戈船泊議行成。
空填樂府龜雖壽。未見冥池龍受屠。豈竟笑人長寂寂。澶淵飲博讓懂呼。
方期禱雪雪徒空。舊社酒徒春夢中。挂席欲西衝雪去。砉然清嘯落江東。
鞞音中變語言麤。何處中流覓一壺。當事將以一壺兵輪。控送予船四上。左谷蠡將浮海至。金留犁又設壇須。柏箬蕃王以日可到香港。敕所在官接待。

欲上江南第一山。諸天藤暢可容攀。三茅君竟棲何許。臘酒方赧玉女顏。

座中明月清風我。舊署青山白雲人。羊曇至今悼華屋。車過腹痛西洲闔。清涼山小西湖薛慮其地直東晉時西洲門勝云明月清風我

青山白雲人此予二十年
前舊題也取東坡傳奕語

風月湖山閑是主。桑根一老憶清標。寒泉椀碧薦秋菊。屢舞傳芭促翠翹。
吳娃養色含津氣。乍可年華三五餘。睡裡飛花近蛾綠。齊宮妝束總難如。
舞衣窄窄裁輕雲。歌扇團團裂明月。曼聲道是輕棄捐。秋霜入鬢紅芳歇。
淺淺山圍倭墮鬢。盈盈水抱碧娜嬾。不歸料被妻孥恠。臘日何人解看山。

暝雲來自翠微巔。高下千燈映水燃。列炬驚翻栖鶴起。舞筵蹴破蟄龍眠。
芙蓉作船絲作紵。北斗橫天月將落。二句襲梁樂府。曲中子夜慳未涯。青絲白馬壽陽來。
興亡六代閱紛紛。付與斜陽細艸薰。我有誅墓一長劍。何處東求蒼海君。

寤園有樹譯云明石斛某行人使墨利加從海外載歸以獻左湘陰使相使相轉遺桑根丈遂植之
池上文襄作記書此一段因緣今且分柯亭亭如張兩繖而兩公以光緒乙酉嘗先後辭世艸宿
十三年矣摩挲此樹不覺泫然光緒丁酉歲除前四日鈍椎書

似蒲桃逐漢臣迴。故宅穹祠相對開。文襄祠堂亦在龍蟠里。此樹廿三年記取。華筵面水六人來。是日筱珊松岑兩

會巡顧山人。實酒於此。爲予祖席。

絕域異花開爛漫。出欄奇樹閒檀欒。須將手植殷勤護。放使干霄巢鳳鷲。

恪靖相侯祠堂

落衣碧瓦鏞朱甍。光燭神山栖鳥驚。兩世感恩緣不淺。公督兩江日賜百金。趣刻先大夫墓表石。一流垂盡業何成。謝公雞夢
身難贖。長史荆駝意未平。北望洛中何鬱鬱。更無人議十團營。神護營文忠愬立。從無漢大。臣督操。公始以漢大學士領之。

臘月二十六日獨游燕子磯

裕陵神武六南巡。駐蹕奎章鑄翠岫。下拜穹亭還侍立。中千哢瞰一敞廬。

東齋扶桑西月支。蟬媽何意運陵遲。渡江誰是持三論。幕府山頭卓帳旗。

兩鯨挾子緣磴上。是晨雪消泥滑周都司及兩老兵掖予上下幾顛踉跌。那有嵌空石燕巢。乳笑阮翁謾藻績。山童只有石嶮嶮。

一洲環合水崩瀉。江似青羅帶抱環。欲蹋靈鼉乘赤豹。笠中戒衲不開關。欲訪山麓禪屬以泥水不可往

火輪扇韜吹氣笛。三茅山鳴百谷磨。江水東流我西上。迴看惟有碧雲層。

羣山奔湊觀音門。小市魚蝦別有村。卻恨胸東門割棄。愴攜遠鏡望中遠。湖允割膠州灣百里予德意茲人屯兵經北洋門戶六重榆關

大浩旅順之梁威海當以膠州灣為第一避風不冰之佳海口曩曾訪侯朱鼎父皆密疑諍之以為築船

隄奔台于旅順口之黃金山白玉山地淺陋易受敵攻不如膠灣寬敞重阻形勢便利予亦力贊其議倭

兩天門

何人凌風採紫芝。荆公詩採芝天門山云云。驂駕玉虬東溟來。開兩蒼闔延登之。謁見靈威仰赫曦。小臣稽首前陳詞。

萬國赤子憂休飢。帝將掾之衛以慈。槃瓠弄兵盜潢池。力能頭觸常羊維。示以毗沙四威儀。文武吉甫張

六師。手抉雲霧起風旃。登進衆直斥韋脂。光芒六合平无陂。兩天門開夢見之。赤松綠圖為我師。輕世適

志吾行規。

卻寄黃齋六丈

迴眴層城烟樹多。寶藍田墅可張羅。平生汲黯原相許。衆响飄山且耐佗。

周國祥將行

鄱陽一校蔡明遠。重爲殷勤書數行。憑話栖霞山道者。待昏三月去休糧。

溫綈擬墨

子曰道之以政齊之以刑民免而無恥道之以德齊之以禮有恥且格子曰吾十有五而志於學三十而立四十而不惑五十而知天命六十而耳順七十而從心所欲不踰矩丁酉浙闈題

擬作

匡魯政以王道。因自述爲學之次第焉。夫政必出於學。德禮其本。政刑抑末耳。而學爲成德。又有年力次第焉。非進欲善魯政。退欲善魯學哉。今夫政術與學術。一源而已。政學分而天下嚮亂。於是法家兵家者流。驅一世於伎忍嚴酷之域。而三綱淪。四維蠹。九流濁焉。於是三代德厚禮讓之風。澌滅盡矣。政學合而天下嚮治。天子仁聖。朝有巨儒。淑一身以淑一世。於是提挈綱維。整齊流俗。而三代之風。稍稍復還。舊觀而惜乎宗國之不用宣聖。徒令吾夫子自壯游以至垂暮。獨善其身。託之空言。而未施之行事。以兼濟天下也。雖曰人事。豈非天命哉。何者。魯國有孔子。蓋以唐虞三代列聖之心爲心。執德之樞。紬禮之宗。爲天地立心。爲生民立命。爲萬世開太平。爲往聖繼絕業。平生行藏之志。不輕以語人。蓋欲成已成物。由是而成天下。齊魯之功。古今綿綿之行者也。躬躬如畏。銘湯盤而箴武机。有東京魚藻之義焉。溫溫試吏。正衛名而諷康盜。有西方榛苓之慨焉。退居宗國。硯硯著書。檄由材而鑄顏卓。有龜山斧柯之歎焉。王周於魯。

元公之澤。德修于用。志不分。行成于盡性。至命。豈僅潤一身而已哉。洵畏天命而悲人窮也。試以驗之。當今之天下。其消息何若。今夫德也者。內得於己。外得于人者也。禮也者。三代之王。七制之主。其璨然之迹也。握其原。而後政官刑官之事。秩然就理矣。大君者。天之宗子。其大臣則宗子之家相。先生慮夫有司百職之不可以智術駕御也。於是乎納八政於三德。慮夫黎民百姓之不可以刑法鞭笞也。於是乎設爲禮儀三千。以救刑條三千之敝。出禮則入刑。出刑則入禮矣。其慮變也詳。其布澤也厚。故不言而民信。不介而民孚。有恥且格。德禮之入人深也如是。乃降而季世。六官之典。教養之具。蕩然。陰符苗矣。竹刑用矣。法令滋章。盜賊多有。民生蹙矣。道齊之具。恃政與刑。民懂而獲免。雖免而無恥之俗。囂然不可改也。於是穆然而追溯。道德齊禮之世。蓋猶是三代之民。而不獲被三代之澤。非魚藻之義。榛苓之思哉。孔子年十五入大學。十七而孟釐子屬其子往學禮。三十而問禮於柱史。四十二去齊景。反乎魯。而昭公薨。定公立。魯之卿士。僭離正道。政刑淆矣。周公之德衰矣。退而修詩書禮樂。弟子受業者彌衆。是時孔子年五十矣。豈三代而上。政教出於一。生民獲躋仁壽之域。三代而下。政教歧而爲二。生民備罹塗炭之苦。天實命之。然哉。然哉。泊一試中都。爲司空。躋大寇。攝相事。正卯誅。齊倡懾。市政修飭。外戶不閉。於是將復三代德禮敦厚之風。矧後世一切政刑。苟且補苴之敝。駸駸乎得行其志。千載一會矣。時孔子年五十六矣。乃道不行。魯卒不可爲。遂去適衛。周流列邦。無所遇。至魯哀三年。而孔子年六十矣。去魯先後十四年。而復返魯。年

屈懸車爲國三老。琴雖見文。夢不還姬。於是整齊百家。序次六藝。喟然自敍。進德修業。博文約禮。積銖累寸。循循然。歲月不居。自志學而立而不惑。如是者有年。自知命而耳順。以至從心所欲而矩不踰。如是者又有年。孝乎惟孝。是亦爲政。材與不材。將居其閒。優而柔之。使自飫之。怡然理順。渙然冰釋。始元終麟。華削千春。尊周王魯。揚樞三古。終其身不改其志學之日。卽終其身皆樂天知命之日也。學成而不推其用於一世。行成而天下不被其澤。非龜山斧柯之厲言而何。蓋自政與學。函而爲一流。三代之愷悌。蓋季世之毒螫。一切牽補。度日架漏。過時輕用。夷速變夏之政令。廢黜不用。天下吏治。蒸然復于古。大專槃物。風行偃艸。世運密移焉。一變至魯。再變至道。微斯人。吾誰與歸乎。仰自政與學。歧而爲二。懷利器以不試。操幽蘭以揚光。默數童顏介立。白首潛擘。混欣戚。齊物我之襟懷。澹乎自持。吾生望道尙苦未之見。小雅道缺。日西方算。旣老而傳矣。大道之行。三代之英。有焉。余吾未之逮耳。然則德禮之衰。蓋歎魯也。自敍爲學。知我者其天乎。元聖素王。天命之矣。記者比物屬詞。次第書之。豈溲然哉。豈溲然哉。

此連章題旣不可寫成兩概。橫風吹斷。又忌剪裁作六比。兩兩對勘。藻績滿眼。索索無真氣。然若一氣銜接融洽而不分明。又於題之階畫不合。理法不清。家塾課卷。多不稱意。因率筆擬作一首。久不作制義。廓落無範。深於此事者。得毋笑其倒紉孩兒邪。漸西村人自記。

十五。三十。四十。五十。六十。七十字。此第舉成數言之。古人修詞之義如此。勿混看。讀汪容甫釋三九說。

乃知之。又此章是孔子七十後語可知。故文中寫出無限感槩。日西方算。用鄭司農七十後戒子益恩書語。又記。



桐溪者隱集

附補錄

袁炯集

本館據漸西村舍
叢刊本排印初編
各叢書僅有此本

桐溪耆隱集敘

睦州詩派。剋之滕元秀諸公。方虛谷謂其集自南宋時已多亡佚。至列代作者亦未有詩徵總集。蒼萃存之。存者僅別集落落數公耳。其體律要亦不必盡合。第眎其才性孤詣所至耳。於流派乎何有。此以一郡之詩論也。桐廬僻左。文物樸陋。裁方郢縣耳。然唐之方雄飛章八元。孝標及碣。皆有能詩聲。北宋之江晦叔。南渡流寓之江子我。呂居仁。及汐社之嚴侶。元末之徐方舟。代有作手。

宋倪隱君千乘。方侍郎慤。以經學著聞。南宋先待制機仲府君以史學顯。明代

姚文敏俞莊襄俞蓋諸公。以事功顯。皆非專業詞章。故不及。

其人匪特寄意篇章也。抑亦風節介然。屹激頑慳矣。入國朝百六十年間。巖瀨

耕釣。畸材閒生。乾隆中。修府志。縣乘。及阮文達輯兩浙輶軒錄。以僻左之故。蒐錄寥寥。遂爾闕如。至嘉慶以後。詩亦無彙輯之本。中更咸豐辛壬兵火之劫。文獻澌蕩。社稿差足。諷誦者。訖無留餘。雖有丹沙竹箭之異。付諸蟻鶴蟲沙。乃與遺民同燼。靈籥斷句。蕕湮終闕。可慨歎已。今就耳目所及。諸老先多方搜錄。存之文句。苓落裁存百一。俾將來修圖經。述人物者。有所据依。同里有好事者。幸繼予廣爲采訪甄錄。以存其真。或能推茲義例。廣蒐一郡之作。以補吾闕憾。則亦不亡耆舊之志也。夫同治戊辰冬十一月長至日。芳郭里人袁炯義庭父識。

桐溪耆隱集一卷

目錄

江退谷詩六十二首

俞培庵詩十首

方雲巖詩二十二首

方壺山詩十七首

菽圃伯父詩四首

用疇叔父詩九首

箕村季父詩九首

僧雪訪詩八首

江肇瑛

字退谷桐廬縣人道光丁酉科副榜第一性韻簡淡好游名山水若耶四明君溪天目無不攬其幽勝每借隰關若客授愛聽松聲云他日得營草堂當勝曰聽松意者太古之遺音耶友人袁世紀揚取惠山李少溫聽松二篆贈之君狂

喜累日物時年七十餘貧無所有陶器單衾壁經散帙而已有集五卷又著瀛碧樓雜錄仁和譚廷獻弔君

詩云老友桐廬江退谷聽松讀易道心生誰知名士流離死我尙來爲訪戴行嘗評其詩云山水清音也

西方菴養疴

松檜陰陰覆上方。碧巖雲過靜聞香。樗材無用偏宜嬾。病骨驚秋較易涼。鳥亦忘機來佛殿。草皆隨意長禪房。更深萬籟俱空寂。學坐蒲團禮法王。

獨山卽事

山在縣北二十里

細雨溼如霧。白雲低在溪。山高絕飛鳥。村遠尙聞鷄。荒砌古苔蝕。野田春草齊。老僧行未返。鐘發覩歸蹊。

二月十六夜

飲啄無非是。夙因勞勞亦自覓。風塵客遊夢覺家鄉穩。人世緣惟骨肉真。晚悔詞人多結習。靜涵道氣愛清貧。短檠閒坐齊真妄。細究身名竟孰親。

夜歸朝陽書院

負郭藏幽境。蕭然度曲蹊。楓丹經雨闌。野黑入雲低。列岫俛凌屋。疏鐘寒過溪。歸來深院靜。梧葉亂鴉棲。

冬日

繁華景色厭陳陳。黃落乾坤轉寫真。遠岫疑松猶聳黛。荒蹊蹋葉忽逢人。細看草已含生氣。旋覺梅都作小春。往復陽和原不遠。惟將詩興待時新。

山房卽事

雲近樓添障。山高樹易風。古藤畦欲絕。野竹路成叢。意倦邀僧話。心閒與釋通。春深猶未覺。此地少花紅。

春日桐君禪院

一夜風狂吼。山房未穩眠。白雲猶在岫。春水欲漫田。清籟空塵境。晨光淨野煙。不緣來絕頂。高趣少人傳。

君山懷古

路出林梢迴。門含海色秋。瘦槐高覆殿。頽塔近支樓。世外無丹竈。人閒有白頭。道旁尋石刻。仙跡幾行留。

述懷

須是男兒有性情。脂韋何事苦逢迎。千年讀史心猶熱。一日論交膽肯傾。畢竟負人非上策。豈能隨俗盜虛聲。至今拋卻居山寺。怕聽人閒有不平。

家世深慙節義門。敝廬常住綠楊村。艱難乞米分兄弟。珍重留書待子孫。時見澆漓空有恨。況兼骨肉豈無恩。頻年潦倒成何事。孤館他鄉烟樹昏。

八月十四夜闌中作

秋風清迴棘門扃。更鼓頻催一一聽。起看中天雲少處。一輪明月一丸星。

贈友

多事媯皇土一搏。升沈推究竟無端。名成豎子千秋易。天困窮人一飯難。羊角友朋長契闊。首陽薇蕨久摧殘。英雄有志身須惜。吳市簫聲興未闌。

轉瞬

轉瞬茫茫數十春。可憐東海已揚塵。嗣宗痛哭東方誼。盡是銷沈一世人。

感事

世謂申生愚。惟愚孝乃真。古今說權變。豈可施天親。晉國始構禍。陰險殊遂遂。驪姬雖悍虐。猶是君夫人。施優爾醜穢。設念胡不仁。卻令父與子。變作楚與秦。太子縱不爲蒯瞶。盍磔施優做逆臣。我知太子心不敢。當日情事關天倫。施優深知太子意。益肆橫毒鼓讒唇。吁嗟乎晉太子。太子不敢優人敢。老烏夜哭銅駝曠。

枕上口占

秋氣無多已逼人。舊衾故絮愛相親。半生結習閒中悟。一夢荒唐醒後真。窗外雲山憑放眼。樓頭圖史許藏身。莫從九辨悲搖落。玉露金風滿眼新。

悼女芸兒

天涯非遠海非深。縱隔形骸不隔心。咫尺孤墳悽絕處。西風衰草日初沈。

怨婦行

生小貧家女。粗樸性所甘。對鏡頗自愛。貌惡心不慙。所天慕榮勢。許字富家子。蹇修難重違。命薄從此始。入門嫌妾醜。開奩憎妾貧。三年不一顧。同室如路人。有淚不敢彈。有言向誰訴。自省實無尤。此生竟自誤。寂寂春日中。春花爲誰紅。秋風滿庭院。淒冷悲梧桐。梧桐信可悲。妾心知者誰。將妾比梧桐。深愧黃金枝。梧桐經風霜。黃落不留影。明年春復生。與花競韶景。如妾愁復愁。青春易白頭。頭白不復黑。對花空自羞。

聞應敏齋

寶時

誦周小園詩有懷其人詩以誌之

小園名閑。秀水人。其
尊人嘗任嚴州都司。

將種能文少。如君當世無。時平不用戰。志在且爲儒。悲壯英雄託。纏繇血性俱。天生詎終棄。經濟補孫吳。
正月十七日重哭芸兒

女兒亡日是今朝。念到傷心骨也消。欲祭不能忘不得。很聲和淚讀離騷。

松風

時厲師
谷菴

愛聽松風號草堂。滿山清颯到禪房。來從遼壑秋濤暮。響入遙空野宇涼。葉細自然饒韻致。翠深何處著飛揚。陶公詩味莊生夢。未許粗人一領嘗。

題嚴雪舫

國士

取驪立飲圖

射策不中飲墨汁。皺眉有似長鯨吸。我思此法殊未佳。枵腹一時格不入。何如不中飲以酒。持杯笑語同射耦。前生自是晉劉伶。與酒有緣常到口。我亦登堂受罰人。看圖情事十分真。良弓且莫輕收拾。終鍊精
心貫蝨輪。

春日即景

淡雲初散午晴天。潮落江平岸泊船。最是鄉村春好處。梅花數點竹籬邊。

似白沙陳文
恭率意之作

有見

西子賤時隨浣女。臥龍貴後識天人。野花嬌好無名字。誰解風流本色真。

余有楹帖云。一身以外無非物。今而知身亦一物也。猛省有悟賦以見意。

對句千載之
中適有今

此身亦一物。於世復何求。白眼狂多事。青春去不留。獨行聽鳥語。閒坐看泉流。妙理南華悟。無分蝶與周。

禪意

能空成佛也非難。坐上蒲團地便寬。天使西方開一派。卻教煩惱變欣歡。關佛曾經數大儒。世人崇奉總如初。須知日暮途窮客。惟有禪林可寄居。宣聖言仁四海周。慈悲祇解一身修。若知清淨全生法。憂懼何來沈隱侯。持齋嫌俗參禪誕。疏曠何妨愜性天。白社能容陶靖節。正如琴韻不關弦。

雜感

敵廬高臥擬蓬萊。身世盈虛試細推。人到難容惟度外。天如可必待將來。有時且養和平福。莫漫輕施跡弛才。老子善柔莊善達。自然妙理此中該。

四月二十四日宿北鄉田家

芳樹爲鄰屋倚山。清和時節薄寒天。老農夜半呼兒起。趁雨今朝種旱田。

讀詩

但能真切似風騷。商徵天然上口調。多事阮亭聲律譜。只從喉齒按腔描。國色天姿信最難。笑他朱粉與羅紈。少陵刻苦青蓮逸。那有浮詞犯筆端。樂府流傳焦仲卿。俚言俗態只人情。但須道得胸中事。任是精心鍊不成。別有襟懷世不知。鑿空奇麗近騷詞。小儒株守無多識。不信人閒李賀詩。輒語輕詞說雋新。可憐風雅不能真。豈知名士生來韻。野服山裝亦可人。懶祭無才便費辭。枝枝節節強爲之。詞多意寡終爲累。無將何能統衆師。風氣原隨世運移。摹唐倣宋亦何爲。七篇孟子談仁義。大似機鋒國策詞。瘦島寒郊亦性真。詩中有我始精神。畸才體格心如許。鳳閣鸞臺自有人。

自檢詩草

閒卻昂藏七尺身。消磨歲月耗精神。不刪爲有傷心淚。欲語應難索解人。鳥處樊籠音亦惡。龍無雲雨性都馴。善鳴祇愧非東野。孤負窮愁五十春。

感事

春日暄妍草亦榮。秋風憔悴菊多情。不能諧俗知非福。大抵生才總忌清。千古文章騷變格。一生遭際酒成名。老天開此崎嶇路。畸士都教假蹇行。

高月航明府 斗南 贈余詩序有知己之感奉呈一首

行年已五十。機械猶未知。見人與我善。輒自肝膽披。豈知覲面笑。中有利刃隨。當前一尺地。渺若天之涯。語言變黑白。蕩平成險巇。須臾大海闊。洶湃相奔馳。賤性故坦率。安識世路歧。困橫已交迫。廢然乃自疑。反覆思不得。聊復任所爲。生性不逆億。往往受世欺。有如病膏盲。盧扁不能醫。人方笑我拙。欲求知者誰。今春江水漫。放棹清溪湄。幸得景度薦。楊寶堂明府 鹿洞濫臬比。庭謁挹謙光。置腹將心推。高懸人倫鑑。照我

衷寸私。謂我無城府。信我非傾欬。逢人卽說項。人師勝經師。君企晦翁賢。我慚象山規。乃於二月朔。諸生集階墀。躬執主人禮。率循弟子儀。悚若坐芒刺。斯道懼有虧。公餘挾塵談。索我平日詩。林宗善獎勵。謬承嘉許辭。沖質宛陵調。清妍姑溪思。胸有真性情。不用強作之。譬彼玉質瑩。絕不掩瑕疵。我生固如是。我詩頗效茲。噫嘻君一言。大足沁心脾。世事善雕飾。鴻章驚陸離。真意杳難得。枯榦繁其枝。閒語忠孝事。語態

殊淋漓。特恐肖以貌。造作多支離。試觀三百篇。勞者歌其辭。類出胸臆語。艱深無所施。愧我功力淺。公評未允宜。公學期復古。作吏蒲鞭慈。撫茲分陽民。俾各行以嬉。惟以至誠導。權威安足治。如君洵粹白。於我真師資。

雷 甲寅二月二日

陰陽相激忽成聲。天縱無言示以鳴。鬱極必舒機已早。靜終有動理常平。疾驅風雨樓臺暮。狂震山河草木驚。會得振聾深意在中宵。屋漏盡神明。

玉華書院二桂今秋不花戲爲解嘲

梧桐有葉看將老。桂樹無花亦覺香。名士不妨存意思。通材大抵略文章。也知時務非宜冷。或斂才華且善藏。自立但須根本固。秋風來歲定芬芳。繚枝新葉翠森森。已占秋來第一林。不藉時光增氣色。仍如平日見胸襟。敝衣垢面原欺世。流水柴門足賞音。雲外天香應不俗。此閒風露自幽深。

雜感

君子當容人。勿爲人所容。尊拳一笑謝。胯下非不恭。虎豹目如電。曾未見螿蟲。瑣瑣弄機智。思以辱英雄。英雄有真量。豈足滓淵衷。

李陵固身辱。其心亦可憫。孟達旣降魏。命仍爲蜀盡。紫陽綱目以死之書之。奇士不可測。安能遂泯泯。將欲大有伸。何

妨須臾忍。以達折陵獄。漢武未平允。

和邱瓊仙靈山庵題壁韻

曾慕元龍百尺樓。頽唐空擲幾春秋。東阿魚梵時閒聽。靖節山經當臥遊。世路難行堅立腳。老天低壓敢擡頭。而今悟得真如意。雲自無心水自流。

一似李習之
參藥山語

借雲書屋卽事

作客年年似徙官。到來傳舍便能安。山頭松翠搖窗溼。谷口泉聲入暮寒。回首舊遊驚歲月。偶談陳跡半闌珊。祇今差喜新桃李。雨露初勻著眼看。

早起偶成

敢道詩書竟負余。硯田雖淺未曾蕪。頭銜甘署村夫子。怪物差爲老腐儒。勁節九秋須不變。好花三月豈能無。附炎嫉俗皆多事。貧士當防意氣粗。

反舌

一陽初轉好歌來。夏至陰生口不開。當日東坡如解此。有何詩案到烏臺。

題畫四絕

春入桃花源。刺船相與語。莫更怨秦人。因秦得佳處。
幽篁繞石生。新翠著衣溼。有客據枯梧。微吟似寒拾。

秋山倚空淨。秋樹剝心健。林臥把卷看。沈寥養生論。
天地入蘧廬。意境極清放。勝事常獨怡。巖扉自來往。

秋夜雜感

便從騷雅盜虛聲。五十年來學未成。慧業不多根氣薄。窮愁今尙負虞卿。

聽松草堂歌

余愛聽松風其實無堂也卽敞廬左右亦無一松也余心嘗有此聲故以名吾堂

我幼入山學樵牧。爾日霜寒正落木。翠藹陰濃雲不開。流泉久澗鳥瑟縮。忽聽聲從遠壑來。旋向半空沸。幽谷靜坐石上細領之。緩而不迫清不濁。仙樂遜此人籟無。天然洗我胸中俗。仰視蒼髯微動搖。高者將歇低已續。爾時心蒙不識字。欲寫不能言不足。自此每聞松風來。得意若忘神與屬。家貧苦乏買山錢。名以草堂誌所欲。時借僧寮作流寓。喜對此公助清淑。自笑學詩卅餘載。草經刪易三四錄。得似松風一字無。移情愧負成連曲。

達哉神茂真觀復
心明衆塵消矣

詠史

至性何論事易難。要扶大義立人寰。感深易水神先王。烈到文山氣轉閒。天地此生期不負。男兒一死豈

無關。可憐八姓馮長樂。欲把鴻毛傲泰山。

此類句律微爲
船山衣鉢所累

移居雲門寺

雪後風猶割面寒。春深花事已闌珊。燕無定主年年換。蝸有隨廬處處安。一鷗白雲僧舍靜。四圍清蔭客樓寬。自知福命書生大。不向瓊溪把釣竿。

家居

雅愛吾廬好。由來樂意存。老饕疏食健。寒臥布衾溫。公事未嘗至。野夫相與論。秧鍼方刺水。風景喜迎門。已苦塵勞久。於今竟亦歸。故人驚忽老。舊徑訪都非。菜味土膏足。麥胎春雨肥。太平多樂歲。不羨首陽薇。小園附老屋。環處兩三家。留樹皆成幟。編籬半是花。好音多燕雀。生計足桑麻。隙地年來少。牆陰盡種瓜。良友動深契。有時頻往還。材疏何所用。心在未能閒。文格爭相究。詩鈔各就刪。英流盡年少。吾老喜追攀。

俞國楨

字培庵。桐廬縣貢生。能以老子五千言。推行太乙王通之術。與人言龜莢。率依於忠孝。然吉凶每多奇中。積學士也。於近代考據家。如該餘叢考。隨園隨筆。諸書多所糾正。

贈袁復初先生

峨峨千仞岡。仰止不易涉。汪汪千頃波。修綆莫能測。崛起有名賢。端厚天所植。何必競勳名。絕羣在盛德。我愛復初君。躬範重鄉國。崇深孰可幾。願言共矜式。少年負豪氣。舉事隨時流。弩牙憑四應。激烈扞材猷。中道何所見。忽爲易轍謀。雕也琢爲樸。鋼也鍊而柔。士範欽族鄒。儒風企魯鄒。邈矣寥廓翔。藪澤何從求。勤積幼學功。雅抱用行想。七獻玉不售。翻然脫塵網。讀書味義根。不復爭浮響。捐產營百城。四部搜羅廣。

既教夙好伸。且爲來者餉。屋上亘卿雲。時睹輪囷象。
端居嚴比匪。待客情偏隆。故交及時彥。絡繹庭軒中。人誚無事忙。家計增窮空。君聞付一笑。敬謝道不同。
蔓草感鄭咏。杖杜賡王風。三益有深懷。非效陳孟公。

風氣日以降。子弟競浮誇。擾擾城市閒。積習尤無涯。君獨守世範。庭內如官衙。勤職戒惰慢。製行防回邪。
內外家政肅。過者生歎嗟。修整擬鄧氏。質行仰石家。

不涉游觀場。不講鑽營策。不樂事宴酣。不肯近博奕。徘徊堂室中。澹泊娛朝夕。溫良旣歌齊。損益還味易。
別有樂地存。安肯爲物役。風趣孰與儔。高懷緬古昔。

特重燕翼方。厚禮延師友。不恤指畫勞。時復親誨誘。翩翩二瓊枝。才華絕比耦。繼起皆林蕙。清風溢戶牖。
積金競勢家。此樂蓋未有。立德非偶然。佇觀昌厥後。

歲月冉冉迫。幾度困沈疴。偶聞枕席淹。終夜嘆奈何。何幸蹶復起。餘年任婆娑。調攝雖云勞。奚堪敵病魔。
端賴賞善者。默護爲功多。念哉毋自薄。珍重保天和。

繫予通蘭臭。幾及二十春。不鄙疏野姿。翕羽有前因。設榻防護切。進羹餽眠頻。卑幼各喻意。愛重難具陳。

老去學淡忘。萬感付沈淪。惟有不爲齋。

君延客校勘
藏籍齋名

翹念頻勞神。

晦翁小學書。勵行標正鵠。蒙士讀或難。未免等廢錄。鄙人加校讎。學識愧未足。君顧勸刊行。養正有同欲。

信友念或偏。覺世情自篤。鈔成待鑒裁。引領冀忠告。

方毓瑞

字雲岩。一名辛。桐廬縣人。道光丙午科舉人。少有雋才。學使羅公試以大成殿賦。君用魯靈光殿賦原韵。所差裁數韵。耳。時年十六。塾師嘗命對云。孟東野射鴨。君應聲曰。秦西巴救麋。君工屬儷詞。警敏无滯類。如此。下筆千言立就。微嫌

才豪氣猛。螭蚓雜下耳。君頗習手搏之技。咸豐辛酉冬。桐廬失陷。屬

賊不屈賊刃。傷鼻。猶格鬪移時。手刃數賊。死事甚慘。詔卹贈如例。

訪元英先生故居

羅宗師考古學題

山色沈溪倒景明。傳芭何處訪先生。破扉經雨苔花溼。故徑留烟石氣清。殘墨昔曾餘硯沼。名流今未冷詩盟。書香一脈傳孫子。牆角時時認短檠。

留侯

喬木彫甕韓世家。淮陽學禮避荒遐。晚知依隱曲仁里。早誤驚奇博浪沙。一笑厲言黃石塚。終難出世赤松家。成名薜蔚良多偶。服食輕安亦有涯。無限寄託
感遇之遺

淮陰

漂渚遲徊乞食腔。將才天得竟難雙。萬家烟冷淮東冢。一幟功成井口幢。鍾室妄傳臨沒語。木罌豈任渡軍艤。史言誣枉何堪信。古事淆譌亦太厯。

陸賈

攜得千金寶劍歸。從容舌論擁輕肥。雄談坐折名王氣。片語能祛右相機。所著第如長短說。處身能免墨

儒譏。無端全德梁人志。種果義之亦庶幾。

梁簡文志。古今全德之人。以陸大夫爲首。右軍辭世帖云。欲依於陸賈。班嗣。楊王孫之爲人。

謝皋羽竹如意歌

松風謾謾吹村隴。落日低徊當澗戶。竹石聲中變徵悲。千載西臺泣皋羽。偏安殘局已陵谷。勤王師孰摧。索虜。油幕晚餘丞相客。寒鴉沙社增悽楚。燕臺何處更招魂。朱鳥一聲關塞苦。手持如意浩然嘆。淚滴空山溼芳杜。此竹柯亭笛不如。非復從容謝家壘。吁嗟魂兮不歸來。許劍亭荒苔蘚古。寒泉一勺酌雲旗。起折山花爲公舞。

錢武肅王錦樹歌

人生快意當何如。衣錦晝行良不虛。輝生草木餘杭陌。塔照金塗日色餘。天目之山垂兩乳。時來霸氣山川舒。英靈崛起得憑阻。夢占腸遶閭門居。十州一劍開雄鎮。山越餘孽資驅除。終收版圖納炎宋。仍芘苗裔鏘瓊裾。當時還鄉譙父老。錦袍玉帶巡田廬。檢點昔年游釣處。溪光山色迎朱輿。王周覽之暢然喜。以錦挂樹誇耕漁。里巫畦叟盡歡躍。烟林春麗迴扶疏。後車定載羅昭諫。授簡爲咏張其閭。至今村毗傳軼事。樹老空心根窟魚。叢祠香火游女盛。略似花開陌上初。

集歸去來辭題畫

雲壑觀流趣自存。盤桓菊徑倚松門。攜琴命酒消憂戚。矯首臨風樂寄樽。

其二

岫倚窗南看鳥歸。門臨松逕有雲飛。歡來策杖觀園菊。泉壑風清時入衣。

合江亭

滾滾江流碧映天。風亭閒望水容鮮。滯明素練縈窗外。山送清輝到檻邊。折柳時時聞短笛。憑欄一一數歸船。穿雲欲采桐君藥。瑤草芝英可駐年。

馬氏林亭

近水林園趣最幽。千巖萬壑一窗收。路緣石角穿雲上。亭壓花梢映竹浮。仰見雲光圍翠岫。遠看帆影入蘆洲。不須更覓丹邱侶。此樂真須物外求。

秀歧堂

逸書先代記嘉禾。雙穗曾欣瑞麥多。野老早傳三白諺。斯民猶唱兩歧歌。定知福地呈靈貺。想見康衢仰太和。爲問虛堂誰署榜。漫同綠野映烟莎。

大雅宅

鄉名至孝里求忠。誰似斯人德義豐。千載菱溪傳盛事。一州名族仰遺風。能馴羣鳥真純土。可感祥鳥見

苦衷擬向水南尋故宅。苔扉應在綠陰中。

清芬閣

偶挾詩瓢住鏡湖。千秋涉想笑顏臞。龍梭織字憑誰和。鶴嶼留題只自娛。逸跡不妨僧寺寄。清名猶與釣臺俱。至今高閣留遺趾。文藻傳家有畫圖。

吳江夜泊

扁舟今夜宿吳江。隔岸涼鐙照水窗。渾忘信明佳句好。自吟楓冷對漁缸。

遊虎阜

用同年蔡機菴孝廉韵

天繪靈奇映碧波。捨舟登眺定如何。石經履迹苔花少。碑列亭陰蘚字多。紺宇香臺烟不散。劍池寒水鏡新磨。二何舊隱今蕪沒。應贖題名待手摩。
梁處士何求及從弟九俱隱此山

江村

江上碧雲生。蒼蒼葭菼暮。高柳不聞蟬。野樵時問渡。我欲叩苔扉。岸荷微有路。小立暝沙頭。平田飛一鷺。宿車遲汛大聲發。於水上睡不成寐。起賦七古一章。以遣旅懷。次日果風息浪靜安穩渡河。

扁舟夜宿蘆花洲。月光照水涼烟浮。更闌人靜我欲睡。大聲忽到江邊樓。江邊獵獵喧蒲葦。響激春濤打船尾。蛟龍暮挾水雲飛。強弩射潮曾有幾。宵深萬竅猶怒號。江神海怪騁雄豪。蓬萊圓嶠知何處。猛厲直

疑驅六鼈。我祝風師靜波浪。水國愴安憑默相。涉川舟楫便往來。乞與祥鷗扶客舫。歌罷潮平風亦平。須臾萬籟寂無聲。明朝依舊紅輪擁。高挂雲帆上玉京。

春日湖行觀水鄉風景

鴨頭綠水泛輕舟。兩岸人家枕碧流。暖入春波爭放鴨。翠深烟樹未鳴鳩。菱蘆處處編魚斲。楊柳依依拂酒樓。是處天然好圖畫。營邱妙趣筆端收。

圍碑

黃旗紫氣久應窮。寂寂殘碑草棘中。笑倒東京餘識學。誤人符瑞獻諛工。

謝文靖土山

江表風流屬謝公。碎金一卷已俄空。土山雅集無人繼。紺宇青林夕照中。

此思救時賢相之意。

戲馬臺

鬱鬱離離綠草柔。項王曾此試驂騮。據鞍氣欲吞三輔。踣鋏心期蹴九州。霸業蕉中看鹿逐。悲歌帳外割鴻溝。英聲消歇荒臺寂。休怪當時笑沐猴。

董江都故里

元狩經生第一人。清明繁露豈華身。誰知阿世菑川牧。能使先生骨相屯。

刺時之作。言蔽賢者衆。

方驥才

字靈山。桐廬縣貢生。列心程邵之學。製行不苟。鄉里憚其方直。稍稍化之。詩詞真率。殆至性所寄。無意求工。避寇云舟。行小洞桃源記。足跡荒山。杜老詩山居云。石上題詩都卽景。山中落葉陡知秋。挽方雲巖云。斂惟布被身難蔽。坐有藜

牀。膝久穿。挽申屠筱石云。元晏孝經將欲殉馬。

痴封禪。不煩求。意皆沈着。於知舊亦無虛美也。

壽吳一峰七十

吳生白眼向青天。傲骨峻嶒似更堅。老去坐忘無一事。尙能醉漉酒如泉。

山村

竹杖芒鞋石徑斜。盤盤磴道踏雲霞。山深似少樵人跡。忽見炊烟四五家。

重九臥病

佳節新晴景氣和。文園底事困微疴。閉門菊市黃今過。入手橙香綠自搓。楸葉縫幃非正則。松花落塵伴
維摩。病牕閒卻登山屐。一卷黃庭且自哦。

僧孫雲卿申屠筱石游閩仙洞

秋高相伴訪仙踪。解得衣裳腳力鬆。髣髴有光從口入。回頭已被白雲封。
石壁留題削不成。藥爐茶竈有逢迎。仙人今日莫回避。與爾圍棋賭一枰。
看君元似地行仙。乘興來游小洞天。歷過幾重行不得。恐驚虎豹石林眠。
出洞閒閒日色斜。相看雙足繞烟霞。樵風送我登歸路。直到橋邊野老家。

重訪東家夜色迷。行踪不日隔山谿。鄰人報道登仙去。頃刻雲中有犬鷄。
菜根

傲士微言至理該。味無爽口老君哈。寒家一甕餘冬旨。待蹴蔬羊清夢迴。
松

拔地凌霄千丈松。何人手種詰無踪。不逢風雨動君子。一夕崩厓定化龍。
梅

老樹根依短短牆。不花孤負此寒香。出頭又被風霜妬。遲早梅心自主張。
棗

秋風秋雨實離離。芒刺生來易忤時。不避入山刀鋸利。赤心可剖與人知。
賀江養泉移居

吹簫騎牛炯有神。俗疑嵩少煉丹人。忽移家具溪南住。書卷牛腰壓擔頻。
披裘公

五月熱不觸。披裘非爲貧。寄言皮相士。當世有畸人。

白雲源弔遠祖元英處士

驚帆片片逐飛湍。峽束沙迴石壁寒。鶴嶼有情奇句出。鸞臺無分一官難。晚居鑑曲追狂監。我眺元亭似

館壇沙社西連謝君墓。英靈文字未摧殘。

桐君採藥

樵人拾箭逐仙翁。問姓無言但指桐。山勢盤盤鸞隼集。鑪烟寂寂菌芝空。方書應授赤松子。餘技漫傳黃

石公藥錄。倘存箋注待。颯然祠宇傍青楓。起勢 飄忽

贈何牧雲大令

輟耕騎竹走童兒。迎候紫芝眉宇奇。吏識戴星賢令出。人歌喜雨後車隨。野蔬入饌供常薄。紙帳清眠夢亦奇。仁政由來經界始。生祠父老已鐫碑。

袁世經

字菘圃。桐廬縣貢生。隱酒工畫。所作樹石溪山。藥欄瓜樹。著墨不多。蕭散獨絕。亦未嘗拘拘古法。縛於前人蹊徑也。村老樵客或獻酒一甌。席花枕草。隨意攜酒予之。非其人則一筆勿與。真行書瘦勁。結體頗似唐人。嵩山口授銘及述聖

頌。桐君厓絕壁下。有大歷題名。人無知者。君獨乘水漲。棹舟厓下。梯登搗之。里人以爲狂客。而書奇不懈。熟於明季野史。每攜壺登陟。良辰賦詩。酒中輒云。我卒當以醉死。然天性孝友。篤於內行人。莫能測也。

雜興

雲出溪源窅窅山。雲歸宿我茅簷閒。朝攜酒榼隨雲渡。暮扣船舷戴月還。

題隋鄭州刺史李淵爲子造象搨本

往復尋常砥礪意。豈知龍起晉陽泉。瞿曇護力亦何有。發願人天事偶然。

戴仲若 嘗居止桐廬後
人名爲戴公山

一門栖遯負高名。山下猶留屐齒行。終爲衡陽琴一曲。頓輸乃父迹雙清。
事見宋書

桐君厓下大歷唐人題名詩一首

世經

平生龜手打石本。荒厓斷碣搜屈奇。鬢絲垂老不自惜。奇縱目睫幾失之。環洲羣山障合沓。二水交帶流
城陴。一峯厓斷忽東出。驚翻鍛落山靈批。懸巖下瞰老蛟窟。投以磔犬牙爭劇。炎空往往雷雨作。草木疑
有腥風吹。不知何年劃絕壁。試緹鐵索梯登危。機舟岸枯水返壑。捫葛剜蘚粗沙治。呼工洗剔奇跡出。蟲
蛇芟縑芒稻垂。又如山川鼎彝裂。烏躡凌厲緣朱絲。縱橫行列辨星斗。篆勢團團正肩隨。
前小篆六行。後正書十行。銀魚

朱衣首崔纘。獨孤程薛題名辭。溯年大歷歲癸丑。泛舟張讌窮諧耍。是時陽冰括蒼令。傳與筆法其徒疑。
李監體勢最驚絕。變化流峙方員宜。茲跡方之雖邾莒。亦足振起草隸衰。前人游屐所不到。從古著錄遺
屣屨。嗟予東臬被酒誤。乃幸披榛祛瓌姿。才翁翩翩亦風致。坐想篋舫孤村維。乃知世閒奇物多不遇。風
雨駁蝕生浩蕩。斷厓荒松披斫立。石墨在手猿獠催。詒之後來好事者。繼登瓊蠟千年誰。

和

世紀

吾兄滅景棲東麓。僻近藥錄桐君祠。鑄靈浮杯有狂氣。醉倒自署翁支離。扁舟載酒縱所往。異境光氣雲

霞披忽見神清之洞苔蘚合。舟中絕叫靈厓窺。懸巖千仞下有不測之巨壑。枯松倒植驚贊攀翻疑。沈竿牽纜著石樹。梯上青壁捫差差。沙靈雨凍石髮漉。掬泉磨洗呼工治。大歷八年題字出。厓谷恠發前朝奇。樵夫漁父知者少。篆隸十六行離纏。誰其作者崔處士。非瞿令問非袁滋。美原神泉活頤刻。方此筆勢差肩隨。跂跂脈脈蟲絡網。離離屬屬梧緜絲。眞書亦復具風格。未失敲正莊庸規。才翁何時艤沙岸。僻遠乃赴青鞵期。郭生任昉高詠歌。山川閔寂無光暉。數君翛然泛秋艇。枕簟石瀨蒼山移。登臨酒罷覽未倦。滂魄解衣山僧哈。勝游韻事留篆刻。逸筆餘興酣淋漓。當時塔宇恣叢墨。陵谷朽壞惟存斯。千年闕塾一朝曩。假手石屋山人爲。金石幽恠有時發。躋險獨往誰能規。兄詩勁軼不可輕。醉草凌厲留山陂。裹糧徧訪壇冢刻。以補新定圖經宜。

伯父菝圃石屋山人集一卷。叔父鑛巖晦村集三卷。季父筠村芳郭樵唱若干篇。草本經兵火亡佚。此桐君山下磨厓。唐題名唱和詩。從江退谷丈家得之。而失去季父和作。良可惜也。江丈評云。三袁皆有雋思。菝圃奔放似王逢原。鑛巖沖淡似梅宛陵。筠村博瞻似宋景文。伯父沈放于酒。有作輒棄去。不自珍弄。嘗見其登謝翺許劍亭作歌。尤奇崛不可控搏也。以上皆瀛碧樓雜錄中語。從子振暉

敬識 一名

炯

附記題名存字

殿中侍御史崔縝。桐廬縣令。獨孤。勉。壽尉。崔泌。司李。稅。崔澈。□□□□□□□□

大歷八年九月廿二日 右小篆六行可辨者
卅二字字約徑寸許

崔浚篆 三字緊接
月日正書

初秋九月游□周寬之治平 周寬之疑北宋人治平□年初秋九月
游石文既泐搗亦偵倒失次理或然耶

桐廬縣令獨孤勉前左金吾兵曹薛造處士崔浚桐廬縣尉程濟□□□□□□□□

大歷□年十月□四日題

皇祐庚寅夏蘇才翁來觀

右正書十行。行五字。後有蘇跋十字。字皆徑八九分。皇祐庚寅。宋仁宗在位之二十八年也。蘇才翁當是子美之兄。名舜元。仕至轉運使者。抑別一人耶。觀太山題名。有石延年祕演來六字。石曼卿稱名不自書字。此稱字亦一疑也。

篆法極似尹元凱。瞿令塙。是唐篆也。懸崖陡壁。下瞰深淵。江水稍落時。檣舟其下。扳藤蹂登。剔苔。僅乃可辨。欲欲。種。椎。必募工。搭陰架。苦無立木處。不知當日何以摹刻。前人好奇。風趣乃爾。崖左右。方題字。尚多。以險絕不可迫。眎。摩挲而止。斯游猶有憾。怯士殆不免於樵夫笑之耶。唐書崔氏世系。表。清河小房。有溫州刺史澈。博陵之崔。有刑部員外郎泌。系屬不同。時代非次。未必即此文。泌澈也。

右文子力疾手搦。僅得數紙。令尉司李姓名。當補入邑志。官師表。咸豐壬子秋九月石屋山人漫記

袁世紀

字用疇。桐廬縣優行廩生。有晦村集三卷。遭亂亡。失遺詩若干首。僅從王芹甫家故書中檢鈔得之。

劉熙載敬填諱

晦村卽事

源深路絕礙浮槎。策杖幽尋詎有涯。榭葉封山迷故術。楊花覆壩漲新沙。偶偕村友聽泥鵝。閑任癡兒捉草蛙。最愛叢篁白茅嶺。題名竹上帽簷斜。

溪上泛舟

漸去市塵遠。稍登漁者磯。青蛟嘯藤落。白鷺背舟飛。垂釣吾何迫。躬耕俗豈違。徘徊此潭上。酌水自忘機。

兒子上學口占爲戒

未問兒材與不材。寒花晚翠莫輕開。讀書養志家常事。勤樸能甘福汝胎。先公分器一牀書。經世安人政要渠。須戒歧塗臧與穀。幣成易辨孰龍豬。莫厭頻聞長者言。細從枝葉討根源。不材於爾無多責。卻檢過庭舊錄存。

稽留山

太平寰宇記。靈隱山在錢塘縣西十五里。許由隱此。入去忘歸。故一名稽留山云。

許由唐四岳。晚遜箕山陽。應借巢父犢。備耕宿舂糧。如何乃隱此。世語疑荒唐。抑愛南游屨。冷泉流石牀。手挂木癭瓢。風林意何長。是時佛未興。所憩卽道場。至德爲鼻祖。開山一茅堂。諸天皆晚出。蘭菊壇奇芳。

不知有虞夏。乘雲翔帝鄉。清風颯千載。遠韻滿谷院。

答江退谷

早梅折贈有奇春。擺落人間爪與鱗。九里洲前墊巾客。千峰樹裏苦吟身。寒於鳥佛詩孤聳。悶遣辛迂酒幾巡。奇字凡將鈔一卷。支離江式未全貧。

將尋大滌書院懷黃石齋先生

大滌陽坡宜結夏。瑩山石養已荒筠。厲言取適從非馬。歧路銜悲豈在麟。想見蕭辰宴坐處。至今芳草講臺春。從無金石隨流靡。待叩真源一問津。

袁世緯

字箕邨。桐廬縣貢生。咸豐辛酉。邑亂殉難。事蹟見浙江忠義錄。

和友人山居雜興八絕

莫笑曾棲芳郭客。山居樂事未躬親。白雲源口浮槎去。欲叩元英與卜鄰。材全恥作餽牛歌。知住深山意氣和。亦有奇書通浯國。野心未肯逐雲羅。布穀催人不住鳴。山多田少肯深耕。西成有日應秋賽。爲備迎神籛入成。燒畚無稅闢奇荒。休怕官租不易償。山澤雖稱爲國寶。未聞加派議宏羊。試攜弟姪採名山。但乞樵風便往還。倘遇神仙無別願。心平自覺遠塵寰。

樹上鷄鳴屋在巔。春奴汲婢亦翛然。白雲就我檐閒宿。始覺身居第二天。
莫道山人喜入城。巖窟偶傍陌頭行。西巖欲逐漁翁宿。不使移文惹鶴驚。
深巷人歸犬夜噪。千年枸杞釀春醪。何須拔宅俱仙去。枕石浮杯亦自豪。

江枕

晚臥何曾穩。江樓秋意生。燈青飢鼠出。月落亂蟲鳴。萬事濁流去。孤舟積岸橫。枕函藏古劍。應悉此時情。

戴雪訪

亡其名。以字行。桐廬縣諸生。後棄去爲浮屠服。集中有龍飛六十年祝□□釐詩。又云吾年五十二。頗亦憚行役。則知爲乾隆中人矣。野興詩云。溪雲隨客渡。林鳥向人呼。秀句也。以方外故殿卷末。

合江亭

天目新安派合流。危亭分占兩江秋。千峰環裹青成闕。二水交縈碧繞樓。烟際鳥還帆影轉。海門潮上曙
光浮。奔濤濺沫趨秦望。靈境居然控上游。

池上

池館通幽處。焚香栖散人。泉清濯白足。藻密出紅鱗。坐臥得天趣。往來無世塵。好將活潑地。收拾等閒身。
閑樂

閑樂

屋邊種竹引幽禽。籬下栽花供醉吟。試叩幾年塵夢迹。何如一片野雲心。避弓鳥入寥天適。怯餌魚知大
壑深。但得浮生閒復樂。閉門隱几卽山林。

邀陳石村游大奇山

一名寨基山，大約孫吳時山越之井竈存焉。

村南十里大奇山，地僻林深景物閒。
石壁倚天猿叫絕，風藤挂月鶴飛還。
苔封陰磴藥無路，雲散陽崖納閉關。
最是晚秋紅葉好，一樽可許共開顏。

將赴應州與弟諧別

南北各天情繾綣，弟兄分手意酸辛。
相看拄杖都無語，累爾高堂白髮親。
餘杭老僧爲予薙度因贈

清羸如鶴一身輕，卓錫飛來到此行。
新定州南淨土寺，爲予摩頂說無生。
郊行

人家深竹裏，古寺野塘西。
車馬聲方寂，耰鉏出未齊。

閩仙洞

洞口千年蝙蝠飛，洞中擁炬尙寒威。
石牀仙竈深深見，何代遺民此息機。

桐溪耆隱集補錄

王僉吉

吳文緯

汪若懿

柴文灝

徐亮

金家修

徐曰畿

張豫翹

胡震源

王兆霖

俞善慶

如續有所得再竢補編炯又識

王椿榮

王僉吉

字師錫。桐廬人。
康熙中歲貢生。

君山晴望

隔江山色鬱嵯峨。錦石澄潭入畫圖。仙叟菌芝留跡在。樵人雞犬入雲無。撐空塔似凌浮玉。遠瀨臺如隱鬱孤。兼有數州風物美。望中表裏接天都。

吳文緯

桐廬人。康
熙中歲貢。

古厓一首

古厓何石坐。桐君笙鶴時。來靜夜。聞雙塔。西翔山勢合。兩潮東湊海門分。白雲自向樽前度。瑤草常於砌下薰。儼受衆山朝絡繹。江天凝望氣烟燼。

汪若懿

桐廬人。康
熙中增生。

桐君山

挂席千瀨只俯看。危崖縹渺倚朱欄。東峯當午煙常冷。西檜捎雲蓋半殘。丹竈寂寥空有錄。青霞俶詭亦殊觀。楚辭疑有山精誦。遠挾泉聲出樹端。

柴文灝

桐廬人。康
熙中附貢。

前題

突兀起江皋。何年五丁鑿。下有馮夷宮。上有仙伯塿。雲開塔光明。波定松影倒。萬竹蒼山腰。撼撼風中籟。屈蟠修蛇徑。森竦鍊丹竈。采藥僧未歸。落葉蟻自掃。俯瞰丹崖浮。聊寄蘇門傲。

徐亮

字惠采。桐廬諸生。

嚴州府志。亮父早卒。事節母極孝。母歿。廬墓十三年。疾革。遺命鑿穴廬側以附。

臨終口占

一生歲月三春夢。十載辛勤宿草墳。七十八齡孺慕畢。而今原下見慈雲。

金家修

字誠齋。桐廬人。嘉慶癸酉舉人。會稽縣訓導。

楊貞女詩

貞女。丹徒縣人。幼字同縣某。未婚。矢志過門守節。事舅姑以孝聞。

江左流風遠。關西世澤延。門閭曾表德。婦孺亦能賢。厥有深閨秀。時當待字年。元霜將搗合。青鏡會攀聯。會看登雲里。行開筮日筵。命胡遭慘酷。疾甚聽沈緜。鶴化棺隨降。鳧飛舄已捐。空房驚噩夢。幽怨入哀絃。埋恨真無地。椎胸莫問天。玦離胡太驟。鏡破孰重圓。業已成孤注。何勞計萬全。如焚人事幻。不轉我心堅。

願守三從義。惟諧再世緣。尊章欣健在。侍奉代周旋。執摯窮欄下。承歡井臼前。姑恩堪識曲。女史待重編。秋菊常馨膳。銅餅自汲泉。綻衣鞞十指。負米削雙肩。可柰高堂寂。空教宿淚漣。摩笄身欲奮。銜石痛難填。風勁擢貞木。星孤隱女嬋。湘東宜載筆。隴右待題阡。古調遺黃鵠。深林泣杜鵑。將軍能記事。王參戎徵詩 金管有流傳。

徐曰畿

字松圃。桐廬廩貢。官貴州貴陽知府。

淇縣道中簡張果亭司馬

夜雨瀟瀟晝卻晴。暮春天氣送歸程。花含細蕊香猶蘊。麥漾微波浪未成。兩岸柳陰藏鳥語。幾家茅屋隱雞鳴。卷簾貪看當前景。不減江南道上行。

張豫翹

字桐鮪。桐廬歲貢。成豐末殉難。卹贈教諭。

留春舫

喚起曉鐘聲。莫遣春歸去。吹落萬桃花。花飛向何處。

修篁風榭

危石倚寒玉。長風引曲廊。無絃寫此意。一曲綠陰涼。

胡震源

字質浦。桐廬諸生成豐。未殉難。卹贈縣主簿。

采桑詞

大婦燈前織竹筐。小姑梳洗學時妝。菲檐挂出團團月。相約明朝去采桑。高處柔桑共倚梯。低枝卻好與肩齊。踏青露溼紅羅襪。只印蒼苔不染泥。

王兆霖

字夢坡。桐廬人。道光丁酉拔貢。候選直隸州州判。咸豐末殉難。

秋日感興

九月疏籬菊有花。西風池館拂朝霞。每於闌外延詩思。且向尊前度歲華。晚近功名譏小草。浮生蹤跡似搏沙。江山半入風塵裏。獨撫青萍幾歎嗟。

俞善慶

字積堂。桐廬人。道光戊子舉人。官於潛縣訓導。

登君山禪院

仙馭排雲不可招。捫蘿攀石上崑嶽。忽逢木客貽松子。自有春風喚藥苗。禮塔異僧方出定。浮家仙尉此停橈。憑虛呼吸天光淨。繫表眞令萬慮消。

王椿榮

字魯齋。分水縣貢生。流寓桐廬。候選主簿。

梭寫聽松草堂集題詞

堪輿積情區。非情曷有理。君臣父子閒。情至理乃起。鬱勃數千年。不平鳴未止。怒若秋江濤。幽入古潭水。嗣宗何爲哭。俗士豈知彼。哀能中其節。哀亦惡可已。可歎蚩蚩氓。恆沙似磨蝨。何論非者非。是者終歸是。奚必試鉛刀。奚必紆青紫。古昔重師儒。山中有桃李。傀儡日登場。流俗悠悠爾。野馬塵埃中。浮雲太虛裏。我自樂爲我。焉用憂如杞。我自憂憂樂。不逐世懺喜。秋氣胡蕭瑟。春光胡旖旎。江君發天籟。機緘未能揣。聲音微乎哉。詞華抑末矣。惡臭與好色。寂然驗所以。復見天地心。咸因感而企。欲發醯雞覆。青天鋪一紙。

